

漢
石
例
二





漢
石
例
二

劉寶楠錄



中
華
書
局



漢石例卷四

廟碑例

碑額稱廟例

太尉橋公廟碑

蔡中郎集

西嶽華山廟碑

隸釋

鄭氏祭法注、廟之言貌也。劉熙釋名、廟、貌也。先祖形貌所在也。案碑額稱廟、常例也。然隸釋載堯廟碑篆額作帝堯碑、老子廟碑篆額作老子銘、廟額並非正例、因附錄焉。

碑額稱神祠例

漢故行梁相事陽孔君之神祠

金石錄

殺阬君神祠之碑名

隸釋

周禮、大宗伯以祠春享先王。司尊彝亦曰春祠。爾雅、春祭曰祠。詩天保毛傳本之。正義引孫炎爾雅注云、祠之言食、說文、祠、品物少多文辭也。仲春之月、祠不用犧牲、用圭璧及皮幣。呂覽禮記作祀不用犧牲。淮南作祭不用犧牲。是祠本祭祀之名。後人即以所祠之廟名祠。史記封禪書、自禹興而修社祀、后稷稼穡故有稷祠。案祀稷以壇不以廟。則稷祠據漢時言。非三代時有稷祠也。封禪書又曰、自古以雍州積高、神明之隲。故立時郊上帝。諸神祠皆聚。云神祠二字始見於此。則秦文公時也。封禪書又稱文公作鄜祠。德公作伏祠。單言祠始此。

祠漢書多單言祠。後漢書最考曰、漢書、朱邑先爲桐鄉令。臨死遺令葬之於桐。桐人果立祠。後漢書、周處爲石陵守。卒。吏民爲立祠。王渙爲洛陽令。卒。民立祠於安陽亭。

祠者、案後考所引證外、後漢書鄧禹傳、家家爲祠立祠。侯霸傳、霸准吏人共爲立祠。荀淑傳、二縣皆爲立祠。許荆傳、桂陽人爲立廟祠。碑、方術許楊傳、太守鄧晨爲楊起廟。高獲傳、石城人共爲立祠。王喬傳、百姓乃爲立廟。號榮君祠。西南郡都夷列傳、越馬太守張翕得夷人和詔立祠堂。此皆死後立祠者。李憲傳、濟山人共生爲陳衆立祠。韋彪傳、廣都爲我生立廟。王堂傳、吏民生爲立祠。張奐傳、百姓生爲立祠。此皆生而立祠者。亦或單言神。隸釋張公神碑是也。然不可爲例。

碑額稱祠堂例

郡掾史張元祠堂碑

蔡中郎集

陔餘叢考曰。今世士大夫家廟。皆曰祠堂。案三代無祠堂之名。東坡道遙臺詩。自注云。莊子祠堂在開元。此或後人因其葬處爲之。非漆園時制。然王逸序天問云。屈原見楚先王之廟及公卿祠堂。畫天地山川神靈奇詭之狀。因書壁而呵問之。則戰國末已有祠堂矣。漢書張安世及霍光傳。將作穿復土起家爲祠堂。其時祠堂多在墓地。故司馬溫公謂漢世公卿貴人。多建祠堂於墓所。在都邑則鮮。如成都立諸葛祠堂。蓋一二而已。光武紀。建武十七年冬。幸章陵。悉爲舂陵宗室起祠堂。因謁陵而起祠堂。則亦或在墓也。後漢書。越蕩太守張翕。在郡十七年。得夷人和。旣卒。夷人愛慕。送其喪歸。詔書嘉美。爲立祠堂。又清河王慶。欲爲母宋貴人作祠堂。不敢上言。常以爲沒齒之恨。魏略。明帝東征。過賈逵祠。詔埽除祠堂。有穿漏者補治之。北史。崔士謙傳。士謙爲鄆州刺史。及卒。圖境痛惜之。立祠堂。四時祭享。周書。司馬裔卒。家室卑陋。喪廷無所。乃詔爲起祠堂。此則不在墓所。尙沿祠堂之名。唐以後士大夫各立家廟。祠堂名遂廢。近世祠堂之稱起於元。元史。仁宗建國祚。建祠堂。英宗建木華黎祠堂。朝廷所建。亦以爲名。則士大夫私廟可知矣。

錢氏大昕錢氏祠堂記。祠本宗廟之祭。秦漢以降。神祇奉祀。通稱焉。故祠於壇。謂之祠壇。祠於城謂之祠城。祠於堂謂之祠堂。典祠之官曰祠官。太常有祠曹。其儀式則曰祠令。祠者祭之名。而非祭之所。漢志所稱某縣有某祠者。謂祠其神於此地。非指其室而言。洪氏隸釋載。假院君神祠碑。孔君神祠兩碑。亦是此例。後人習焉不察。直以祠爲祀神之所矣。案漢人祠堂本在桌上。武梁碑前設醴。碑後建祠堂是也。叢考所引證外。漢書張勝傳。勿隨俗動吾家種柏作祠堂。後漢書馬援傳。援夫人卒。乃

更修封樹起祠堂桓榮傳負土成墳爲立祠堂張黼傳顯節陵埽地露祭欲率天下目儉其無起祠堂王符潛夫論浮侈篇今京師貴戚郡縣家家生不極養死乃崇喪造起大冢廣種松柏廬舍祠堂務崇華侈此皆祠堂在墓上之證也

亦稱堂祠隸續司徒掾梁休碑立堂祠是也亦稱祠廟後漢書宗室四王傳安城孝侯賜帝爲營冢堂起祠廟是也亦稱祠室漢書張禹傳自治冢堂起祠室後漢書清河孝王傳謂宋

衍曰猶當應有祠室是也亦單稱祠漢書朱邑傳起冢立祠是也

案此則祠堂與神祠有別故別著爲例其實不必墓次凡祠亦得稱祠堂叢

考所引證外漢書文翁傳吏民爲立祠堂是也

漢人墓有廟又有石室石室與廟別當是廟中之寢

在廟北廟一名祠堂一名石廟石室一名祠

名石祠水經津河水四司馬子長墓前有廟永嘉四年

漢陽太守殷濟大其功德遂建石室又泚水篇漢日南太守胡著廟北有石室是石室與廟別也濟水

二漢荊州刺史李剛墓有祠堂石室祠堂與石室對文是廟名祠堂也又引戴延之西征記漢司隸校

尉魯恭冢前有石祠石廟又漢扶溝侯朱鮪墓北有石廟又汲水篇漢司徒盛允墓有石廟汲水篇漢

安邑長尹儉墓有石廟是石室名石祠廟名石廟也又汲水篇睢陽城東有石室刊云漢鴻臚橋仁祠

是石室名祠也據此知漢人祠廟多在墓上然非墓上而立祠廟亦得名祠廟故不入墓碑例中特石

廟石室石祠之名則專指墓上祠廟言耳

碑額載郡邑名字例

故宛令益州刺史南郡襄陽李□字孟初神祠之碑

金石
萃編

碑額書爵書姓。常例也。此並載郡邑名字。例之變也。碑額有單稱邑名者。漢故行梁相事陽孔君之神祠是也。見前以此例之。文不備也。

嶽廟石闕題詞例

嵩山太室神道石闕銘。惟中□□嵩高神君云。元初五年四月。陽城□長左馮翊萬年呂常。始造作此

石闕。

後列職官姓名。字多漫滅不可識。金石文字記。記又載少室神道石闕銘。文多闕。

古文苑載西嶽華山堂闕碑銘云。於是鎮遠將軍。領北地太守。閭鄉亭侯。段君諱煨。字忠明。修飾享廟。禮廢而復興。又造祠堂。表以參闕。建神路之端首。觀壯麗乎孔微。文雖及建闕。其實則祀廟碑文。故不入例。

神廟石闕題詞例

開母廟石闕銘。□□□開母廟□□神道闕時太守□□朱龍丞零陵泉陵薛政云云。

以上
題名

□□□□□□

□百川云云。延光二年。以上銘文。重曰□□□□□□德祥溢而溥優云云。以上後銘文。

金石文字記。

金石文字記曰。漢避景帝諱。改啓曰開。金石圖曰。銘文四言。重曰以下六言。儼如賦語。又有四言銘。爲季度作。所謂季度銘也。

廟門題額例

膠東令王君廟門斷碑額。漢故膠東令王君之廟門。

續錄

廟門書先世官系及政績例

膠東令王君廟門斷碑二。其一自王氏之先云。其一曰。念鼎足爰建時離云云。續錄

隸續曰。上段是敘事之文。下段是四字韻語。必是二石毀闕。好事者匪而一之。

碑敘首書修廟年月日及修廟人爵里姓名字例

禹廟碑。光和二年十二月丙子朔十九日甲午。皮氏長南陽章陵劉尋孝嗣。丞安定烏氏樊璋元孫。金石錄

漢書百官公卿表下。宏農太守沛范方渠中翁爲執金吾。師古曰。沛人姓范。名方渠。字中翁。又光祿大夫河東曩勝之公子爲御史大夫。師古曰。公子亦勝之字。後皆類此。案此則紀載之文。先書爵里。次姓。

名字定例也。如有興建，兼詳其年月日。禹廟碑是也。其有但書修廟年月日及修廟人爵里，姓不詳書

名字者，桐柏廟碑。

碑云：延熹六年正月乙酉，南陽太守中山盧奴口君。集古錄引此碑云：奴下闕字，當是其姓。

但書年月日者，樊毅修華嶽廟碑。

碑云：惟光元年歲在戊午，名

曰咸池，平冬已巳。

魯相史晨祠孔廟奏銘。

碑云：建寧二年三月癸卯朔七日己酉，以上並見集古錄。

但書年月者，東海相桓君海廟碑。

碑云：惟永壽元年春正月，金

石

益州太守高朕修周公禮殿記。

碑云：漢初平五年，龔都甲戌夏天季月，隸縣

韓勅修孔廟後碑。

碑云：皇漢帝元永壽三年，青龍建酉孟秋之旬，同上

文有詳

略，無義例也。

碑敘首書謁廟人爵里姓名字及年月日例

魯相晨謁孔子冢文。魯相河南史君諱晨，字伯時，從越騎校尉拜，以建寧元年四月十一日戊子到官。

金石

錄 隸辨作史

晨謁孔廟後碑

碑敘首書修廟祭廟人爵里姓名字碑末書助修廟人世系德業並繫以吉語例

濟陰太守孟郁修堯廟碑。濟陰太守河南廩師孟府君諱郁，字敬達，聞帝堯陵在成陽，遣月曹掾史具中

牢祠，常以甲子日與西宮樂生俱詣大聖云云。知聖堯精靈，與天通神，修治□塋地，致播砌石闌二坐云

云。時令河南河南呂君諱亮，字元山，丞河內州王諱葦，字伯盛，左尉潁川潁陽□諱信，字世高，因孟府君

飭治大壑。自率掾史。□□駐駕便坐。孟府君必受大聖嘉福。公侯傳子孫。呂君諸璧。于祿于天。令裕衍蔓。永流無窮。碑末惟序仲氏祖統所出。本繼於姬周之遺苗。天生仲山甫。翼佐中興。宣平功遂。受封於齊。周道衰微。失爵亡邦。後嗣乖散。因氏仲焉。子孫承緒。履仁好義。耽樂道術。誨人不倦。海內稱之曰。馮術之宗。天鑒孔明。祚善應□。印紱相承。銀艾不絕。孟府君繕飭鑿牆。立百石舍。仲氏宗家共作大壑。前石礧階。階欄。仲氏宗家並受福賜。復刊碑勒。昭示來世。俟著孟府君美勳。於陽財紀祖。靈所出。□□□□官位。宦學皆不可測。子子孫孫。必蒙大聖休烈之福。以勸後進。昌熾無極。

隸釋

仲氏宗家爵名字。不見於碑。蓋多不勝載。隸續有碑陰。必是仲氏題名。惜存其目。而闕其文。案廟碑。繫以吉語。漢人文多如此。史晨饗孔廟後碑。於穆肅雍。上下蒙福。長享利貞。與天無極。西嶽華山廟碑。遐懷凶札。犁斂吉祥。歲其有年。民說無疆。楚和孫叔敖碑。縣興士熾。孫氏蒙恩。三公山碑。長履景福。子孫孫。白石神君碑。子子孫孫。永永番昌。此類甚多。不能備錄。蓋岡陵山阜。耆艾壽康。雅頌所陳。義關頌禱。不必以諛辭斥之也。若成陽靈臺碑末。仲司伯海。從右中郎將遷鉅鹿太守。仲球。伯儀。從太尉掾遷呂長。仲選。孟高。辟司徒府。遷從不絕。皆興治大聖黃屋之力。則詞義俱鄙。而故民吳仲山碑末。焉焉矣矣。子孫萬歲。子爲父墓立碑。而繫以吉語。文之不經。莫大於此。此漢人之謬也。

碑文詳書脩廟人立廟碑人爵里姓名字例

樊毅脩華嶽廟碑。有漢元舅五侯之冑。謝陽之孫。曰樊府君諱毅。字仲德。命守斯邦云云。特部行事荀斑。與縣令先諱。以漸補治。設中外館云云。於是功曹郭敏。主簿魏襲。戶曹史許禮等。遂刊元石。銘勒鴻勛云云。隸釋荀斑以下不書字者略之古文苑斑作班

有詳書脩廟人爵里姓名字。渾書立碑人者。濟陰太守孟郁脩堯廟碑。見前詳書脩廟人爵里姓不及名

字者。益州太守高朕脩周公禮殿記。

碑云。故府梓潼文君增造吏寺三百餘間云云。郡將陳留高君節符典範云云。隸釋案文君謂建武中益州太守文參。高君即朕。其不書名字者。並以其近而尊之。

亦以人所易曉也。不別爲例。

碑中書脩廟人爵里姓不書名字碑末補書名字及子弟名字同脩人名字例

韓勅脩孔廟後碑。魯相河南京韓君云云。碑末府君諱勅。字叔節。郎□□字仲則。弟□字子臺。東海□敬謙。字季松。河東臨汾人。□□□字子雕。漢中南鄭人。長史李亮。字威明。河南人。故少府卿任城樊府君諱豹。字伯尹云云。隸釋

隸釋曰：樊豹書法獨與衆異，當是魯之前相也。

碑中書立廟人爵里姓名同立廟人爵里姓名碑末又詳載同立廟人爵里姓名字例。

成陽靈臺碑。於是故廷尉仲定、闕立規、榮興、業會工，前設大壑，俟神之堂云云。時濟陰太守魏郡審晃、成陽令博陵管遵、各遣大掾輔助仲君，經之營之云云。碑末：濟陰太守魏郡陰安審君、諱晃、字元讓，從公車令來。成陽令博陵參吾管君、諱遵、字君臺，從東明門司馬來。丞潁川新汲尹茂、字伯舉，遷下邳尉。尉潁川襄城楊調、字君舉云云。隸釋

碑中書脩廟立碑人爵里姓名字碑陰書同脩廟立碑人爵里姓名字例。

仙人唐公房碑。漢中太守南陽郭君諱芝、字公載，緒廣斯廟，刻石昭音。碑陰：故江陽守長成固楊晏、字平仲，東部督郵成固左介、字元術云云。隸釋

有碑中書脩廟人爵里姓名字。碑末書同脩人爵里姓名字，不及立碑人者。西嶽華山亭碑。碑云：宏農太守河南河南

樊君諱毅、字仲德，與令巴郡胸忍先諱公、諱闕、諱緒碑末府丞勅海劉固叔長功曹史楊慎曼先云云。

碑中書脩廟人爵里姓名。碑末書立碑人爵里姓名者。祀三公

山碑。

碑云：口初四年，常山相隴西馮君到官云云。起堂立碑，碑闕夾門，並牲納幣，以寧其神云云。碑末：長史魯國賴口、五官掾闕祐云云。刊石紀焉。金石萃編：荀氏方綱兩漢金石記曰：此與隸釋所載元和四年、公山碑不同，碑首初字之上，隱隱尙餘

其半，諦視是元字，乃安帝元初四年案納體碑文作禮，額下是浮字，當據改補。

碑中書立碑人爵姓名。碑末書同立碑人爵里姓字。碑中書立碑人

爵里姓名字。碑末書同立碑人爵里姓名字。並不及修廟人者。張公神碑。

碑云：朝歌長鄉彬、暨碑廟堂之前，碑末監隴陽營諸者，隸章南昌李朝伯。

云云。
隸釋

三公山碑

碑云：元氏上郡白土樊璋，字子儀，立銘勒石。碑末：口長史甘陵夏方字伯陽云云。同上。案張公神三

父碑文元氏下有左尉二字，子儀作了義，長史上是時字，當據改補。不別爲例。

碑中書立廟立碑人爵里姓名字。碑末書立碑年月日碑陰又詳書立碑人及年月日例。

楚相孫叔敖碑。固始令段君就其故祠，爲架廟屋，立石銘碑云云。段君諱光，字世賢，魏郡鄴人。碑末：漢延熹三年五月廿八日立碑陰。延熹三年歲在□□中夏之節，政在封表，期思長光，視事一紀云云。五月辛卯，宜以存廢，可立碑祀云云。時丞左馮翊姓如諱武，尉京兆周陵，詳集共造，戶曹掾褒騰，令史許松，隸釋

段君於碑陰，將條列孫相後人昭穆爵里，因復敘年月爲發端，非與前文相複也。

碑中書立廟人碑末書祭廟人例。

桐柏廟碑。南陽太守中山盧奴張君立廟桐柏。春秋宗奉云云。碑末：春侍祠官屬五官掾章陵劉訢云云。

秋五官掾新野梁懿云云。

古文苑 隸釋 縣太守二字屬字別張字野字

侍祠官屬猶言助祭人也。漢書孝景紀丞相嘉等奏曰諸侯王列侯使者侍祠天子所獻祖宗之廟。張晏曰王及列侯歲時遣使詣京師侍祠助祭師古曰張說是也。

碑中書立壇刊碑人年月爵里姓名碑末書前致祭人爵里姓名今監立碑致祭人年月爵里姓名及同鑒立碑人例

帝堯碑。熹平四年冬十二月濟陽太守河南張龍丞潁川李政成陽令陳國鄭真云云乃共立壇墠刊碑紀石碑末故濟陰太守劉邵字季承漁陽泉州人也出奉□

當是錢字

萬爲祠醴潁中大夫後太守河南張龍

出錢二千敬致禮祠臨立壇碑。熹平四年十二月十日癸卯立時將作吏胡能守堯掾

謂守

仇伯云云

隸釋

碑中書祀廟人姓名碑末又稱頌祀廟人碑陰載出錢立碑人姓名碑側又詳載立碑人例

蒼頡廟碑

闕

劉君諱□云云碑末劉府君大漢枝族應期作弼云云碑陰

闕

故督盜賊

闕

云云碑右側衛

令朔方臨戎孫羨云云延熹四年九月乙酉詔書遷衛令五年正月到官奉見劉明府立祠刊石表章大聖之遺靈以示來世之末生謹出錢千百者下行自紀姓名衛守丞臨晉張疇字元德云云碑左側議

曹史達勾楊□云云。

金石
萃編

吳氏玉指金石存曰：此碑頌乃銜令孫羨、奉劉明府之令爲之。而碑陰兩側，則備記孫令出仕始末及其掾屬所出錢數。翁氏方綱兩漢金石記曰：孫羨奉教於劉明府而立此石。劉蓋治左馮翊也。

碑中書制器人爵里姓碑末補書名字及出錢人爵里姓名字碑陰又廣載出錢人爵里姓名字例。魯相韓勅造孔廟禮器碑。魯相河南京韓君云云。碑末韓明府名勅字叔節。潁川長社王元君真云云。

王元

以下凡
八人 碑陰曲成侯王嵩云云。

凡六十二
人 魏晉

王元不稱其職而列碑末。曲成侯位尊而列碑陰。此蓋以出錢先後書之，不以貴賤也。

前宮脩廟後官立碑詳書脩廟立碑年月及前後官爵里姓例。

東海廟碑。惟永壽元年春正月有漢東海相南陽桓君云云。乃部掾何俊、左榮闕殿作兩傳起三樓。經

構既立事業畢成。俊等銘石欲闕榮非仁也。故遂闕而不著云云。熹平元年夏四月東海相南陽南君□

□□□初胸令闕云云。惜助績不著。後世無聞。遂作頌云云。

釋

隸釋曰永壽元年南陽君崇飾殿宇起三樓作兩傳其掾屬何俊左榮欲爲鐫石而南陽君止之厥後山陽滿君踵其武嘉歎助續爲作碑頌

前官立碑未成後官成之詳書立碑前後年月日及前後官爵里姓名字例

西嶽華山廟碑延熹四年七月甲子宏農太守安國亭侯汝南袁逢銘勒斯石云碑末袁府君肅恭明神易碑飾闕會遷京兆尹孫府君到欽若嘉業遵而成之延熹八年四月廿九日甲子就袁府君諱逢字周陽汝南女陽人孫府君諱璆字山陵安平信都人時令朱頡字宣得甘陵鄒人丞張易字少游河南京人云云隸釋

碑文全錄狀牒未用讚銘載立碑人爵里姓名字及立吏舍人例

孔廟置守廟百石孔龢碑司徒臣雄吳雄字季高司空臣趙成字意伯稽首言云云此三公公狀元嘉三年三月丙子朔廿

七日壬寅司徒雄司空戒下魯相承書從事下常用者云云此朝廷永興元年六月甲辰朔十八日辛酉

魯相平行長史事卜守長檀叩頭死罪敢言之司徒司空府云云此郡國上讚曰巍巍大聖赫赫靡章讚僅

相謂善乙瑛字少卿平原高唐人令鮑昱字文公上黨屯留人云云乙君察舉守宅除吏孔子十九世孫

麟廉請置百石卒史一人。鮑君造作百石吏舍。功垂無窮云。

釋 隸

守長檀言試守邑長。其人名檀。未卽眞也。漢碑試用之官皆曰守。仙人唐公房碑陰。褒中守尉。江陽守長。桂陽太守周憬碑陰。滇陽守長。酸棗令劉熊碑。外黃守令。雍邱守令。守東昏長。外黃守尉。元儒先生婁壽碑。守長史掾。守葉令。公乘伯喬題名。曹守長。皆試用未卽眞者也。徵諸史漢。其證甚多。不可枚舉。

碑文全錄狀牒未用讀銘載立碑人爵里姓名字及立碑年月日與工師姓名例

無極山碑。光和四年□月辛卯廿二日壬子。太常臣眈。丞敏。頓首上尙書云云。未云臣眈恐慙。頓首頓首上尙書。制曰可。大尙承書從事。闕月十七日丁丑。尙書令忠。奏維陽宮。光和四年八月辛酉朔。十七日丁

丑。尙書令忠下。光和四年八月辛酉朔。十七日丁丑。太常眈。丞敏。下常山相。闕從事下承。闕用者如詔書。

書到言昔在禮典云云。乃立碑銘德云云。常山相南陽冠軍馮巡。字季祖云云。光和四年十月十三日□

□石帥□□造。

釋 隸

釋曰。男子蓋高。范遷。請於太常。乞官給珪璧。四時祠具。詔從之。吏民更造廟宇而立此碑。蔡質漢官典儀曰。司隸城門校尉上尙書言頓首上。下言誠皇恐頓首上。謁者上尙書言頓首死罪上。下言誠皇

恐頓首死罪上。今史晨樊毅兩碑，皆用謁者式，與蔡說合。此碑再稱頓首，太常稱臣而丞不稱。

案丞不稱臣者，統上

臣字而省。莫詳其制。案後漢書胡廣傳注，引漢雜事曰：凡羣臣之書通於天子者四品，一曰章，二曰奏，三

曰表，四曰駁議。章者需頭，稱稽首上以聞。謝恩陳事，詣闕通者也。奏者亦需頭，其京師官但言稽首言下稽首以聞，其中有所請，若罪法劾案，公府送御史臺，卿校送謁者臺也。表者不需頭，上言臣某言。下言誠惶誠恐頓首頓首死罪死罪，左方下附曰某官臣甲乙上案。此碑首言頓首上，即章之稱稽首上也。末言頓首頓首，即表之下言頓首頓首也。蓋兼用章表式。

修建陂塘，亦錄狀。水經注汝水篇云：側陂南有青陂廟，廟前有碑，漢靈帝建寧三年，新蔡長河南縣侯李官

上請，後復青陂，司徒臣訓，尙書臣輿，奉可洛陽宮，于青陂東塘南樹碑。

又案上二例大同小異。若魯相史晨祠，五廟奏銘，則全錄奏狀，末用銘詞。

不載立碑姓名。

碑云：魯相臣晨，長史臣謙，頓首死罪上。尙書云云。碑末昔在仲尼，汁光之精云云。隸釋載此碑曰：孔廟碑中與雄奏章，則云奏洛陽宮，此亦奏牒。乃云上言者，即謂異於朝廷，不敢直注帝所，因尙書以聞也。樊毅復華下民

和奏，其式與此同。

樊毅復華下民租田口算碑，則全錄奏狀，末不用銘詞，亦不載立碑姓名。

碑云：光和二年十二月庚午朔十三日壬午，宏農太

守臣毅頓首死罪上。尙書云云。碑末宏農太守上祠西嶽，乞縣賦發差，復華下十里以內民租田口算狀。

隸釋

撰文者各有詳略故也。

碑文敍子孫官爵及立廟立碑之由例

郡掾史張元祠堂碑。掾孫翻出宰相。邑遷太守。得大夫之祿。奉烝嘗之祀。乃於是立祠堂假碑勒銘。

蔡中郎集

碑文末補書名字總書歷官及卒葬年月日例

太尉橋公碑。公諱元。字公祖。少辟孝廉。辟司徒大將軍府。爲侍御史。牧一州。典五郡。出將邊營。入掌機密。歷三卿同三司。享年七十五。光和七年夏五月甲寅。以太中大夫薨于京師。九月乙酉。葬於某所。

蔡中郎集

碑陰詳列世次例

楚相孫叔敖碑陰。相君有三嗣。長子卽封食邑固始。少子在江陵。中子居三□云云。相君卒後十有餘世。有渤海太守云云。

金石錄案
全文載隸釋

金石錄曰。孫叔敖碑陰。敍子孫名字甚詳。隸釋曰。段光以其雲來長幼之序。仕學生產之實。刻于碑陰。雖自譜其家者。亦不如是之詳。

隸釋又載安平相孫根碑陰。載根子孫名及案面訂爲要。皆開書。故不錄。

案墓碑亦有此例。水經注洛水篇。又東北

逕三王陵。三王或言周景王。悼王。定王也。今陵東有石碑。錄赧王以上世王名號。考之碑記。周墓明矣。附錄於此。

碑陰條列價直例

任君殘碑陰云云直千二百云云直九百

隸

隸續曰蓋是記繕脩所費豈任君有祠而邦人尊事之乎案道路碑亦書價直中縣碑是也隸續載建平縣縣碑

云長廿五丈賈二万五千陶氏案儀古刻幾鈔載雜例不更見

碑陰分書治黃屋作碑出錢人爵姓名字例

成陽靈臺碑陰司徒掾仲選孟高出錢云云凡二十八人仲氏二十六人異姓二人右仲氏宗門所會計治黃屋出錢名司

徒掾仲選孟高出錢云云凡十五人仲氏十三人異姓二人右仲氏宗門所會計立作石碑誦出錢名隸

德政碑例

額稱循吏例

漢循吏故聞熹長韓仁銘金石萃編

金石同曰此移下河南君之令牒以上表下宜稱名故曰韓仁又銘者論譏其德善而明著之者也刊

石以名仁之美。斯銘稱焉。雖其文辭不叶于聲詩。固無害其爲銘也。

額兼二職例

漢故穀城長蕩陰令張君表頌。

金石
萃編

此張遷碑也。功德碑皆所位之吏民立。故額祇載其所莅之官。不兼叙其前後官也。此額兼二職。與常例異。

稱功德叙例

巴郡太守張君碑。其前題巴郡太守都亭侯張府君功德叙。

金石
錄

金石錄曰。碑無卒葬年月。其後頗敘述政績。而繫以銘詩。蓋德政碑爾。案此碑無額而自標題其首行。已見墓碑例。不稱碑銘。而稱功德敘者。釋名。敘。抒也。抒泄其實。宣見之也。

稱功勳銘例

桂陽太守周憬功勳銘。

隸釋 金石錄作漢桂陽太守周府君
頌。然不明言其額所書如何。今從隸釋。

稱清德頌例

柘令許君清德頌

水經注、陰溝水篇

德政碑稱頌常例也。後漢書馬援傳、棧遷廣陵太守、吏民刻石頌之。何敞傳、遷汝南太守、吏人共刻石頌敞功德是也。

生稱諱例

溧陽長潘乾校官碑、潘君諱乾、字元卓

隸釋

郃陽令曹全碑、君諱全、字景完

金石文、字記

案生而稱諱、此二碑外、有推尊其舉主而稱之者、三公山碑

碑末云、舉將南陽冠軍君、姓馮諱巡字季祖、隸釋

有推尊其祭廟修廟

守令而稱之者、樊毅修華嶽廟碑

碑云、宏農太守河南樊君諱毅、字仲德、隸釋、隸釋又載華山亭碑同

濟陰太守孟郁修堯廟碑

碑云、濟陰太守河南孟師孟府君諱

郁、字敬達、碑文又載府內百石及丞尉皆稱諱不備錄

成陽靈臺碑

碑云、濟陰太守魏郡陸安善君諱晃、字元讓、成陽令博陵縣吾君諱通字君臺

史晨饗孔廟後碑

碑云、相河南史君諱晨字伯時

西

嶽華山廟碑

碑云、袁府君諱達、字周陽、孫府君諱璆、字山陵

仙人唐公房碑

碑云、漢中太守南陽郭君諱芝、字公載

楚相孫叔敖碑

碑云、時丞左馮翊姓如、諱武、以上並見隸釋

有推

尊其立碑人而稱之者。都鄉孝子嚴舉碑。

碑陰云向主吏諱爰字孝聖。諸主吏及督郵候掾並同。

隸續

金石錄曰春秋左氏傳周人以諱

事神名終將諱之禮卒哭乃諱。鄭氏謂敬鬼神之名也。諱避也。生者不相避名。衛侯名惡。大夫有石惡。君臣同名春秋不非。又漢宣帝元康二年詔曰聞古天子之名難知而易諱也。今上書觸諱以犯罪者。朕甚憐之。其更諱詢。蓋卒哭而諱其名。實始於周。而生死皆稱諱。西漢已如此。然則生曰名。死曰諱。又出於近世也。日知錄曰蜀志劉豹等上言聖諱豫觀許靖等上言名諱昭著。晉書高韻言范伯孫名諱。未嘗經於官曹。束皙勸農賦條牒所領注列名諱。王褒洞簫賦幸得諡爲洞簫兮。李善注諡者號也。號而曰諡。猶之名而曰諱者矣。又案潘乾爲溧陽長而碑稱校官者。兼學校之職也。水經注沔水下云陰縣東有縣令濟南劉熹字德恬。魏時宰縣雅好博古。學教立碑。載生徒百有餘人。此亦潘乾碑之類也。隸釋曰學師宋恩等題名。稱師者二十人。易師三人。尚書師三人。文學師四人。碑文多闕。隸釋據其文之尙存者言。漢永平中嘗爲四姓小侯立學。置五經師。此則蜀郡諸生也。然則此所云師猶今授讀之師。非學官也。生稱謚例。

溧陽長潘乾校官碑。隸曰溧陽長潘君云云。

隸釋

翁氏方綱兩漢金石記曰。碑以前半敘事之文目曰誄。而以後半有韻之文目曰敘。亦變例也。錢氏大所潛研堂金石文跋尾曰。釋名。誄。累也。累列其事而稱之也。廣韻。誄。疊也。疊述前人之功德也。誄本爲哀死而作。今縣民頌其長而稱誄。雖亦累德之詞。然失其義矣。武氏億授堂金石跋曰。周禮大祝作六詞。以通上下親疏遠近。六曰誄。注。誄謂積累生時德行。以錫之命。主爲其詞也。疏。此六詞者。皆爲生人作詞。無爲死者之事。是誄之名施于死生而通之。殆如考妣嬪可兼生稱也。論語。誄曰。禱爾于上下神祇。孔氏注云。誄。禱篇名。說文引此作譌。亦云。疊功德以求福。從言疊省聲推之。此碑吏民頌其生君。於義固無嫌哉。段氏玉裁說文解字注曰。譌。施於生者以求福。誄。施於死者以作謚。論語之誄曰。字當從勹。毛傳曰。喪紀能誄。字當從來。周禮六辭。鄭司農注二字已不分矣。案說文。譌。禱也。誄。謚也。譌。施於生者。誄。施於死者。二字義別。論語之字當作譌。而今論語作誄者。誄。譌音並相近。蓋假借也。此碑作誄。亦是假借。錢氏以爲失其義。恐非。

碑中書立碑年月立碑人爵里姓名字碑陰又詳載立碑人爵里姓名字及工師里姓名字例

桂陽太守周憬功勳銘。於是熹平三年歲在攝提仲冬之月。曲紅長客陵重安區社。字景賢。遵承典憲。宣揚德訓。乃與邑子故吏龔臺郭蒼龔維等。命工鑿石。建碑于瀨上。勒銘公功云云。碑陰故曲紅長客陵重安區社。字景賢云云。工師南陽宛王遷。字子彌。

釋

碑中書立碑人姓名碑陰又詳列立碑姓名其碑中所書立碑人惟一人重書餘不重書碑陰末書年月日又繫以吉語例

巴郡太守張納碑。故太尉掾王□□府丞李元。掾史張勤、黎景、馮經、趙中、毋俊、蒲勝、猶潭等。庶慕奚斯□□之義共論叙紀著休烈刊□□頌云云。碑陰。益州從事宕渠李元。字次公云云。碑陰末。中平五年三月上旬書。君升台祚。承天百福。子孫千億。

隸釋

隸釋曰。此碑乃掾屬李元等爲之。碑陰各書曹掾之職。而不稱故吏。則是張君在郡之日所立。案碑文中立石人。惟李元再見於碑陰。餘不重見。豈此碑之立。李元倡之。抑出錢獨多耶。

碑中詳書先世名爵功烈碑末書年月日及立碑人姓名繫以吉語碑陰又詳載立碑人姓名例

郃陽令曹全碑。其先蓋周之胄。武王秉乾之機。翦伐殷商。既定爾勳。福祿攸同。封弟叔振鐸於曹國。因氏焉。秦漢之際。曹參夾輔王室。世宗廓土斥竟。子孫遷於雍州之郊。分止右扶風。或在安定。或處武都。或家隴西。或居燉煌。枝分葉布。所在爲雄。君高祖父敏。舉孝廉。武威長史。巴郡胸忍令。張掖居延都尉。曾祖父述。孝廉。謁者。金城長史。夏陽令。蜀郡西部都尉。祖父鳳。孝廉。張掖屬國都尉丞。右扶風陰廐侯相。金城西部都尉。北地太守。父瑋。少賈名州郡。不幸早世云云。碑末。門下掾王敞等。嘉慕奚斯考甫之美。乃共刊石。

紀功其辭云云君高升極鼎足中平二年十月丙辰造碑陰故三老商量伯祺云云

金石文字記

蕩陰令張遷表君之先出自有周周宣王中興有張仲以孝友爲行披覽詩雅煥知其祖高帝龍興有張良善用籌策在帷幕之內決勝負千里之外析珪於留文景之間有張釋之建忠弼之讓帝遊上林問禽狩獸同所有苑令不對更問同番夫番夫事對於是進番夫爲令令退爲番夫釋之議爲不可苑令有公卿之才同豈夫喋喋小吏非社稷之重上從言孝武時有張騫廣通風俗開定畿寓南苞八蠻西羈七戎北震五

狄東勤九夷荒遠既殲同各貢所有張是同輔漢世載是德云云碑末惟中平三年歲在攝提二月震節

紀日上旬陽氣厥析感恩舊君故吏韋萌等僉然同聲貸師孫興刊石立表以示後昆共享天祚億載萬年碑陰故安國長章叔琰案說文珍寶也从王云云金石

參說文珍寶也从王

金石

王氏世貞弇州山人四部稿曰良韓人釋之南陽堵陽人黨漢中人宗系絕不相及文人無實乃爾翁氏方綱兩漢金石記曰碑合表頌僅五百言而叙張氏先世事乃至三之一亦似太煩案張遷碑遷陳留已吾人而泛引張氏誠如弇州所譏然亦可備一例

碑中既詳載立碑人碑末書年月日又於立碑人中序其世系學業功德作詩稱美例

成陽令唐扶頤。於是故從事仲字仲授、張躬、萬龍、督郵仲規、郡掾閻葵、仲理、處士王、董額、閻葵斑等，乃共刊石樹頤。歌君之美云云。碑末光、和六年二月壬午朔二十五日丙午，處士閻葵斑、戀念唐君爲立碑。斑字宣高，修春秋嚴氏。大子讓、公謙、襲斑業。次龔、叔謙、治尙書歐陽。次廉、仲絜、小夏侯。耽經史，分履仁義，內和睦，分外奔赴。目家財，分贐君號。諸學口分相埤助。垂後世，分丕之譽。錄

碑文全錄令牒例

聞熹長韓仁銘。熹平四年十一月甲子朔廿二日乙酉，司隸云云。仁前在聞熹，經國以禮，刑政得中云云。表上遷槐里令。除書未到，不幸短命喪身云云。書到，遣郡吏目少牢祠云云。河南尹云云。如律令。金石萃編

金石存曰：如律令三字，蓋漢人公移中語。史記儒林傳序述所載詔書，前漢書朱博傳、博士占檄文、陳琳爲袁紹檄豫州文、東觀餘論所載漢破羌檄，有此三字。

碑末續書官階仕蹟附載詔書例

蔡長蔡滿頤末。君德含洪，有君子道四焉。聖朝明哲，以爵寵賢。光、和四年十二月甲，詔書拜并州刺史。釋禁

隸釋曰、蔡君治橐三載、而遷高邑、吏民思其惠政、故栗尹等共刊斯石、頌後又誌其并州之除、蓋續書也。

墓闕例

稱先靈例

王稚子闕銘、漢故先靈侍御史河內縣令王君稚子闕。

金石錄

盧氏見曾校刻金石錄、自注云、先一作光、案作先是、隸釋亦作先、金石錄云、後漢書循吏傳、漢府爲溫令、而刻石爲河內令、史之誤、隸釋云、溫者河內之邑、河內是郡名、無令也、碑云河內縣令者、以郡爲尊、蓋謂河內之縣令爾、即溫也。

靈義見卷一靈表例

稱神道例

馮使君墓闕、漢故尚書侍郎河南京令豫州幽州刺史馮使君神道。

金石錄

此常例不備錄、神道義見卷一神道碑銘例、亦稱墓道、隸釋、漢故益州太守楊府君、諱宗、字德仲、墓道是也。

金石錄作墓闕、今從隸釋。

亦稱神道封陌、金石錄、漢故蜀郡蜀國都尉王君神道封陌是也。

周禮、家人以爵等爲丘封之度、注、王公曰丘、諸臣曰

封、說文、路東西爲陌、南北爲阡、然則神道封陌爲神道前丘封之路。

廟闕亦稱神道、金石文字記、載少室神道、石闕銘曰、興治神道、後漢書龐

公傳注引襄陽記曰建武中襄陽侯習郁立神祠於山刻二石鹿夾神道口俗因謂之鹿門廟遂以廟名山也附誌於此

書爵姓例

趙相關銘漢故趙國相離府君之闕金石錄

此常例不備錄墓闕與碑額例同當云某朝故某官某君之闕或稱府君使君或稱神道墓道皆正例也上文馮使君墓闕例同金石錄載漢蜀郡太守任君神道隸釋載清河相宏農太守張君墓當是道字廣漢縣竹令

王君神道金石錄作廣漢縣蒼縣乃縣誤蒼凡竹令二字誤合爲一字又誤以竹爲廿鉅鹿太守金君闕或無故字或無漢故二字皆非正例其較

此例而加詳書字者則上文王稚子闕及隸釋所載故上庸長司馬君孟臺神道是也隸釋載楊文大神道云漢楊侍中

父之神道冠其姓於官上而繫以字不可爲例加詳書名字者上文注中楊宗字德仲墓道是也其較此例而略但書姓名字不書

官者隸釋所載高直闕云漢故高君諱直字文玉是也其略之甚者但書姓隸釋所載韋氏神道是也案墓域若無碑書官爵名字於闕亦變例之正若有碑已載而復書闕可謂冗矣若去其官爵而但書

姓名簡略太甚不可爲法。

水經注濟水二轍城西北三里有項王羽之冢石碣尙存題曰項王之墓此則衆所共知不妨從略。

金石錄逢府君墓石柱文漢故博

士趙傳逢府君神道此亦闕類附錄於此。

書爵省文例

益州太守高頤墓闕益州太守陰平都尉武陽令北府丞。

隸釋

右侍墓闕漢右侍之墓。

隸續

隸續曰漢官有左右署侍郎此省文漢人題闕作碑多省文如郭仲奇爲北軍中候而碑中省其北字案前碑云拜軍中候後碑云北軍軍中候是省北軍二字高頤作北部府丞而題闕省其部字案題闕字大碑小其省文亦變例之正若

郭仲奇墓碑中不應省文故墓碑不著此例。

詳書世系略載宦績例

趙相雍勸闕高祖父諱竇字伯著孝廉河南令侍御史九江太守□□□君子望字伯桓右校令望子陟孝廉胸忍令□□□□陟弟朗字仲曼孝廉宏農令武都太守朗弟勸字叔□孝廉成臯令趙國相勸子煜字稚□孝廉資中長江令□□□都尉自右校君以舊墓在水闕而墳墓多地勢□□□□斯造

增壠樹碑銘。至趙國府君在官五載。位政清平。有甘棠之化。年卅五卒於官。故吏民漢中太守邯鄲□□

□□等慕戀恩德。刊石稱頌焉。隸釋

隸釋曰。右漢故趙國相離府君之闕。十隸字。趙氏以此爲碑。而謂前十字爲闕。予考其文。蓋題闕之文。非墓道之碑。邱中之銘也。

書卒葬年月日例

刻令景君闕銘。維元初四年三月丙戌。郟令景君卒。金石錄以五年二月□□□□。隸釋

隸釋載此碑文。有祖載之日。游魂象生等句。則五年二月以下。當是葬日。

書立闕年月日及子弟建闕人石工人例

武氏石闕銘。建和元年太歲在丁亥三月庚戌朔四日癸丑。孝子武始公。弟綏宗。景興。開明。使石工孟季。季弟卯。造此闕。直錢十五萬。金石錄

書弟姪官爵學行例

武氏石闕銘。公弟開明。開明子宣張。仕濟陰。年二十五。曹府君察舉孝廉。除敦煌長史。被病云歿。苗秀不

遂。嗚呼哀哉。同

兩闕一書姓名里一書官爵例

不其令童恢闕。一書童恢琅邪人。一書漢故不其令童君。釋

兩闕分書官爵一書姓及立闕年月日一不書例

路君闕銘。一書會稽東部都尉路君闕。永平八年四月十四日庚申造。一書故豫州刺史。溫令。元城令。公

車司馬令。開陽令。謁者議郎。徵試博士。金石錄 釋續。故豫州上有君字。

兩闕分書官爵一書姓名字一書姓例

太尉劉寬闕。一書漢太尉劉公諱寬。字文饒。一書漢太尉車騎將軍特進昭烈侯劉公神道。錄

有分書官爵同書姓字者。王稚子闕銘。一書漢故先靈侍御史河內縣令王君稚子闕。一書漢故兗州刺史洛陽令王君稚子之闕。分書官爵同書姓者。沈

府君神道碑。一書漢謁者北屯司馬左都候沈府君神道。一書漢新豐令交趾都尉沈府君神道。分書官爵。一書姓名字。一書姓字者。益州太守高顯

闕。一書漢故益州太守武陰令上計史舉孝廉。部從事高顯字貫方。一書漢故益州太守陰平都尉武陽令北府丞舉孝廉高府君字貫口。錄文有詳略。無義例也。

漢石例卷五

雜例

表界域例

洛陽縣碑。洛陽北界。

水經注河水五載此碑云河之南岸有一碑北面題云云

靈邱縣碑。冀州北界。

水經注遼水篇高氏山上有石銘題言云云

汝水石注。河南界。

水經注汝水篇載此碑云也谷水出南山北流逕石碣東柱側刊云河南界又有一碣題言洛陽南界碑柱相對既無年月竟不知何代所表也

右三石雖未的知漢代所立洪氏采人隸釋蓋以爲漢刻也從之

表鄉聚例

臨淄碑。梧臺里。

水經注淄水篇系水父北逕臨淄城西門北向西流逕梧臺南其地名梧臺里西有石柱碑漢哀平五年立其題云梧臺里

表宮殿例

淮南厲王殿石中殿第廿八

阮太傅注

經案集

經案集甘泉山獲石記云甘泉山惠照寺階下四石其文字在篆隸之間其一石可辨者中殿第廿八凡五字又一石第百卅三字其二石未能辨江鄭堂曰此漢淮南厲王胥家上石也余按揚州甘泉山舊志皆以爲漢厲王家沈約宋書樂志陳思王樂歌云中殿宜皇子然則皇子所居可稱中殿按漢代王公墓上皆有寢廟此必寢廟中殿石

清書文帝紀氣降民家不妨殿中者勿發如淳曰殿上有宮牆景帝制殿爲殿屋故曰殿中即古曰此說非也殿中謂墻中象正殿處象史無利城

中爲殿中者蓋誇也如說是然宮殿標識亦同故特爲此例

表陂池例

魯孝王石刻五鳳二年魯卅四年六月四日成

金石又字記

高氏德裔

金人

記曰魯靈光殿基西南卅步曰太子釣魚池蓋劉餘以景帝子封魯故士俗以太子呼之

明昌二年詔修孔聖廟匠者取池石以充用土中偶得此石側有文曰五鳳二年者宣帝時號也又曰魯卅四年六月四日成者以漢書考之乃餘孫孝王之時也

金石文字記曰上書天子大一統之年而下書諸侯王自有其國之下此漢人之例也王氏謂竹書題跋曰

德商題記以此書爲石朱竹垞曝書亭集則云五鳳二年漢篆文今雖模糊然斷是隸不是篆竹垞竟目爲篆皆不可曉

案長界域者書方面表鄉聚者書里名表宮殿者書工

作表陂池者書年月此例之簡而質者也然亦有宜詳者表界域則兼及鄰邑

隸續南安長王君平鄉道碑維平鄉明高大道北與武陽

西與蜀郡青衣越過通界水經注涪水篇北平縣界有漢熹平四年幽冀二州以戊子詔書遣冀州從事王球幽州從事張眼郡縣分境立石標界具揭石文案此標界域而詳載詔書及分境立石人者惜碑文未錄無以知其體例

表鄉聚則

兼及人文

水經注涪水中宜城縣有太山山下有廟漢末名士居其中刺史二千石卿長數十人朱軒華蓋同會於廟下荆州刺史行部見之雅歎其盛號爲冠蓋里而刻石銘之此碑於永嘉中始爲人所毀其餘文尙有可傳者其辭曰我提南岳烈烈

離明寔敷俊乂君子以生惟此君子作漢之英德爲龍光聲化鶴鳴

表宮殿則兼及受命之由

蔡中郎集光武濟陽宮碑惟漢再受命曰世祖光武皇帝考南頓君初爲濟陽令濟陽有武帝行過宮常封閉帝將生考以令

舍下漏開宮後殿居之建平元年十二月甲子夜帝生時有赤光室中皆明使卜者王長卜之長曰此善事不可言歲有嘉禾一莖生九穗長於凡禾因爲尊諱王室中微哀平短祚姦臣王莽偷有神器十有八年罪成惡熟天人致誅帝乃龍見白水淵隱昆上云云

又案表宮殿文東京初已有之玉海載班固涸水亭碑文云承累流裔襲唐末風寸木尺土無俟斯亭是也

表陂池則兼及灌溉之利

水經注汝水篇新息縣青陂碑稱青陂在縣坤地源起桐柏淮川別流入于潁潁逕新息

牆陂行入襄陽界灌溉五百餘頃又河水四渠水又南逕高門原南又東南逕華池南池在夏陽城西北故司馬遷碑文云高門華池在茲夏陽渠水又東南逕司馬子長墓北墓前有廟廟前有碑永嘉四年漢陽太守殷濟瞻仰遺文遂建石室立碑樹柏案上文司

馬遷碑即下文殷濟所立碑碑以表遷墓非以表川原故不錄詳略各宜作者權題以立例可也

爲宮殿立碑敍立碑人爵里姓名例

光武濟陽宮碑。小臣河南尹鞏璋。顧見神宮。追惟桑梓。襲述之義。用敢作頌。蔡中郎集

爲古墓立碑敍立碑人爵里姓名例

王子喬碑。相國東萊王章。字伯義。乃曾長史邊乾。訪及士隸。遂樹元石。紀遺烈。蔡中郎集

書修學校年月工程例

太學碑。建武二十七年造太學。年積毀壞。永建六年九月。詔書修太學。刻石記年。用工作徒十一萬二千

人。陽嘉九年八月作畢。水經注
毀水篇

書修祠宇年月工程例

梁相孔耽神祠碑。其內洞房四通。外則長廡。功賦合出卅萬。日光和五年歲在壬戌。夏六月訖。魏
釋

書修隄堰爵里姓名年月工程例

榮口石門碑。惟陽嘉三年二月丁丑。使河隄謁者王誨。疏達河川。述荒庶土。明譚元在按曰。述疑作遂。按
述遂通。用下稱遂休功是也。云大

河衝塞，使齧金隄，以竹籠石葦葺土而爲遏。近趙一清定本，退作堤。壞隄無已，功消億萬，請以濱河郡徒、疏山采石，壘

以爲郛，功業旣就，徭役用息。未詳。譚校曰：玉海二十一卷引此文，無未詳二字，疑衍。案趙本作辛未二字。詔書許誨立功府鄉。趙本鄉作鄉是。規基經始，詔榮

加命。譚校曰：榮疑作策。遷在沈州，乃簡朱軒授使司馬登，令續茂前緒，稱遂休功。登以伊洛合注大河，南則緣山，東

過大伾，回流北岸，其勢鬱懷，濤怒湍急，激疾一有決溢，彌原淹野，蟻孔之變，害起不測。於是伐石三谷，水

匠致治，立激岸側，以捍鴻波，隨時慶賜，說以勸之，川無滯越，水土通演，役未踰年而功程有畢，故遂刊石

記功，垂示于後。使河隄謁者山陽東昏趙本作昏司馬登，字伯志云云。水經注：濟水一，此注上文云：漢靈帝建寧四年，於敖城西北壘石爲門，以遏渠口，謂之石門，石銘

云：建寧四年十一月黃場石也。而主史姓名磨滅，不可復識。

隸釋：廣漢太守沈子琚，縣竹江堰碑，有爵里姓名年月，不及工程，文多闕。碑云：熹平五年五月辛酉朔一日辛酉，縣北縣南口川口口宮口黃口化

出家錢建云云。廣漢太守潁川長暨縣沈君諱口字子琚，縣甘令安定樊君諱口云云。君遺嫁口口口鄭施云云。碑末，縣丞魏爲屬國王卿諱口字季河云云。

書修橋梁爵里姓名年月工程例

洛陽建春門石橋柱銘。陽嘉四年乙酉壬申。詔書以城下漕渠。東通河濟。南引江淮。方貢委輸。所由而至。使中謁者魏郡清淵馬憲。監作石橋梁柱。敦敕工匠。盡要妙之巧。攢立重石。累高周距。橋工路博。流通萬里云云。河南尹邳崇隗。丞渤海重舍雙福云云。三月起作。八月畢成。水經注 穀水篇

洛陽伽藍記。建春門外穀水。東入陽渠石檻橋。橋有四柱在道南。銘云。漢陽嘉四年。將作大匠馬憲造。

逮我孝昌三年。按孝昌魏明帝紀年大雨頽橋。柱始埋沒。道北二柱。至今猶存。街之按劉澄之山川古今記。戴延之

西征記。並云晉太康元年造。此則失之遠矣。

開通褒斜道石刻。永平六年。漢中郡以詔書受廣漢、蜀郡、巴郡徒二千六百九十人。開通褒余道。大守鉅鹿鄒君。部掾冶級。王宏。史荀茂。張宇。韓岑等興工作。大守丞廣漢楊顯。將相用始。作橋格六百二十三間。大橋五。爲道二百五十八里。郵亭驛置。徒司空。褒中縣官寺。并六十四所。凡用功七十六萬六千八百餘人。瓦卅六萬八千八百四器。用錢百四十九萬九千四百餘斛粟。九年四月成就。益州東至京師。去就安隱。宋晏慶釋文。按釋文開通褒余道。開字道字闕。治級誤治級。等與誤弟典。丞下廣漢二字闕。將相誤將限。今據金石萃編所募碑文補正。又案瓦字當有誤。今無文以正之。

兩漢金石記曰。鄒君不著其名。廣韻。漢有東海太守鄒熙。古今姓氏書辨證云。因官居焉。望出東海者。

也。橋格卽橋閣字。然閣字本非其義。格則枝架之名。此格字當爲正也。案余卽斜。隱卽穩。不言者人所皆知。

首書倡修隄堰人次及繼修人末復書倡修繼修同修及作銘人例

榮口石門碑。惟陽嘉三年二月丁丑。使河隄謁者王誨云云。詔榮之加命遷在沅州。乃簡朱軒授使司

馬登云云。碑末。使河隄謁者山陽東昏司馬登。字伯志。代東萊典城王誨。字孟堅。河內太守。守城向豺。字伯尹。丞汝南鄧方。字德山。懷令劉丞。字季意。河隄掾匠等造。陳留浚儀邊詔。字孝先。煩石銘。水經注

首書倡修橋梁人其同修者碑文三見末及義工義徒例

濟水一

蜀郡屬國辛李二君造橋碑。碑首刻二人冠帶相向。橫書蜀郡屬國明府潁川陽翟辛君。字通達。卿健爲李君。字仲曾。□□碑文。惟延熹龍在甲辰三月甲子。造此笮橋。五月甲午竟。領道楊□荷杜仁。領道楊瑗云云。又領道杜沂。楊瑗。作笮橋梁。帥爾徒屯。待事楊□□守古荷賊曹掾杜仁云云。碑末。領道。關漢嘉楊瑗字□□云云。義工云云。義徒云云。隸釋

書修門闕府里姓名年月工程例

西嶽石闕銘。永和元年五月癸丑朔。六日戊午。宏農太守常山元氏張勳。爲西嶽華山作石闕。高二丈二

尺。金石錄案此不入嶽廟石闕題詞例者。以彼例所錄太室銘。稱頌嶽神。此但書立闕爵里姓名年月工程。故別爲此例。

金石錄曰。永和。漢順帝。晉穆帝。姚泓。皆有此號。穆帝時。華陰不屬晉。以此碑字畫驗之。恐非姚泓時。蓋漢刻也。

書修道路爵里姓名年月工程例

蜀郡太守何君闕道碑。蜀郡太守平陵何君。遣掾臨邛舒館。將徒治道。造尊健闕。袤五十五丈。用功千一百九十八日。建武中元二年六月就。隸釋

青衣尉趙孟麟羊竇道碑。羊竇道。舊故危險回遠。百姓患苦。永初六年。青衣尉南安趙孟麟。更易由此道。時典主通道者。積谿故吏梁汜。捕盜賊王留。永元十一月九日造。同

何君不書名字。趙君不書名。尊之也。然後世無聞焉。羊竇道碑。有年月無工程者。文不備。有僅書年月日及工師里姓名者。隸續。劉讓闕道題字是也。題字云。建寧元年十月上旬。工徒爲武陽劉讓造。其文太略。不可爲例。

書修道路爵里姓名及立碑人爵里姓名例

司隸校尉楊孟文石門頌。故司隸校尉樹健爲武陽楊君。厥字孟文。廢子由斯。得其度經云云。至建和二年。

仲冬上旬。漢中太守榘爲武陽王升。字稚紀。勒石頭德。以明厥勳云云。

釋 隸

隸釋曰。碑云。司隸校尉楊君。厥字孟文。水經及歐趙皆謂之楊厥碑。楊淮碑云。司隸校尉楊君。厥諱淮。字伯邛。大司隸孟文之元孫也。始知兩碑皆以厥爲語助。此乃後政頌其勳德。故尊而字之。不稱其名。自注。華陽國志。楊君名渙。案此碑不書名。若非華陽國志。則其名終沒。故碑文不書名。非也。

書修道路爵里姓名。渾書立碑人不載爵里姓名例。

武都太守李翕。西狹頌。漢武都太守漢陽阿陽李君諱翕。字伯都云云。郡西狹中道危難阻峻。敕衡官有秩李瑾。掾仇審。因常繇道徒。鑿燒破析。刻召確鬼。行人懼怖。乃刊斯石云云。

隸 釋

李翕析里橋閣頌。太守漢陽阿陽李君諱翕。字伯都云云。乃俾衡官掾下辨仇審。改解危殆。即便求隱。析里大橋。於今乃造。臣□□勒石示後云云。

同上

碑首書表字末書記字例

廣漢長王君治石路碑表。長廣漢王君建和二年冬。任掾楊□攻治破壞。功夫九百餘日。成就通達。永傳

億歲無窮記。

隸 釋

隸釋曰：碑以表字題其上。漢書溝洫志：武帝穿漕渠，令齊人水工徐伯表注，謂巡行而表記之。與此同意。案隸釋所云是也。史記夏本紀：行山表木，索隱云：立爲表記。

陳君立曰：案說文木部榮字注云：棧，讀也。从木京。闕夏書曰：隴山榮木，讀若刊，然則古文尙書作榮。

訓爲棧，正與立木表道之義相發明。故夏本紀行山表木，即書之隴山榮木也。皆古文家說。鄭孔訓爲刊，除夫九州山木多矣，恐刊之不勝刊也。恭冕曰：表記即表識，魯峻碑博覽羣書，無物不采，廣雅記榮志，讀也，可證陳說。

呂氏春秋察

今篇：荆人欲襲宋，使人先表雍水。雍水暴溢，荆人弗知，循表而夜涉，秦始皇紀：表南山之顛以爲闕。又立石東海上胸界中，以爲秦東門。正義引三輔舊事云：始皇表河以爲秦東門，表汧以爲秦西門。越世家：勾踐表會稽山，以爲范蠡封邑。漢書息夫躬傳：躬立表欲穿長安城引漕。東方朔傳：詔中尉左右內史表屬縣草田。西域傳：辛武賢將兵至敦煌，遣使者案行表穿卑鞬侯井以西，欲通渠轉穀積。此皆表記之證也。筆經室集：釋郵表，暇曰：說文：表，上衣也。从衣，从毛。古者衣裘以毛爲表。荀子儒效：後漢蓋勳馬援傳：表，標也。呂覽慎小注：表，柱也。禮記檀弓內則注：表，明也。周禮大司馬爲表注：表，所以識正行列也。荀子大略注：表，標志也。後漢書劉祐傳：表，標準也。管子君臣上注：表，謂以木爲標，有所告示也。漢書淮南厲王傳：表者，樹木爲之。若柱形也。呂覽不屈云：或操表掇以善睇望。注：表掇，儀度。又云：揚州古銅盤銘曰：用大蔽散邑。迺卽散用田竟，竟自滙洮以南，至于大沽。一表以降二表。又曰：表于單道，表于原道，表于周道，以東。表于紆東疆右，還表于竟，竟導以南，表于郤萊，導以西，至于唯莫，竟，竟井邑。

田云云。觀此可見古人以表立田地疆界之事。周禮虞人萊所田之野爲表。百步則一。爲三表。又五十步爲一表。又曰。及表乃止。此可見古人閱軍以表爲界之事。又云。表乃井田間分界之木也。左傳襄二十五年傳。表淳鹵。賈逵注云。淳鹵之地。九夫爲表。國語周語單襄公云。周制有之曰。列樹以表道。韋注。表識也。案此則表乃分界之木。所以表明遠近。土功所興。必先立表。功成刊石表識。以示後人。故以表字冠首。以其立石疆界。與古表同也。

碑首用維字末用主字例

南安長王君平鄉道碑。維平鄉明高大道云云。闕王前南長。闕方主。隸續

碑首用維字。此訓誥體。凡碑文通例也。廟碑則樊毅修華嶽廟碑。碑云。惟元和元年云云。集古錄東海相桓君海廟碑。

碑云。惟永壽元年云云。金石錄下同。墓碑則謁者景君墓表。碑云。惟元初元年云云。祝長嚴訢碑。碑云。惟漢中興云云。平輿令薛君碑。碑云。惟延熹六年云云。碑文

首皆用惟字。惟維一也。碑末用主字。道路碑通例也。蜀郡太守何君閣道碑。碑云。道史任雲陳春主。隸釋司隸校尉楊

孟文石門頌。碑云。五官掾南鄉趙部。字季南。屬襄中龍漢。碑字產伯。書佐西成王戒。字文寶主。同上碑文末皆用主字。言主治此道。羊寶道碑云。典主通道

是也。

金器銘本有此稱。傳古圖載漢太官壺銘。考工令史由丞或令通主。又綏和壺銘。據臨主。謂主製此器者。

書家產例

金廣延母徐氏紀產碑。元和元年五月中旬。金廣延母自傷紀考。紕徐氏元初產。永壽元年出門。託軀金
據季本云云。男恭□字子肅。年十八。闕收從孫卽廣延。立以爲後。年十八。娶婦徐氏。弱冠仕。闕終歿。五內
摧碎云云。季本平生。素以奴婢田地。分與季子離直。各有丘域。蓄積消滅。責負奔亡。及歸故主。三分屋一
才得廿一萬六百。供竟。闕故文進升地一畝。直五萬五千云云。故□子叔地一畝。直云云。闕
隸釋曰。徐氏歸于季本。有男曰恭。字子肅。早終。立從孫廣延爲後。廣延又復不祿。離直似是季本庶孽。

不肖子。分以贅產。居之于外者。徐氏老而廣延死。故又析其財。慮離直爲嫂姪之害也。廣延雖非嫡長。
而事親久。卽世新。故徐氏舍子肅而稱廣延母也。案廣延爲季本嗣孫。子肅嗣子。徐氏乃廣延祖母。
而碑稱母。蔡中郎集。郡掾史張元府君碑云。掾孫翻。尊原祚之所由。而至於此。先考積善之餘慶。陰德
之陽報。又云。於惟我考。允迪懿德。案翻稱祖考曰考。廣延稱祖母曰母。皆非禮也。敍中未錄碑文。因復
識於此。

書宅舍例

鄭子真宅舍殘碑。闕所居宅舍一區直百萬。故鄭子真地中起舍一區作錢。闕故鄭子真舍中起舍一區

七萬。故潘蓋樓舍并二區十一。闕故呂子近樓一區五萬。故像樓舍一區二萬五千。闕扶母舍一區萬二

千。闕鳳樓一區二萬。闕車舍一區萬。闕奉樓一區二萬。闕子信舍一區萬。焦

釋

隸釋曰：凡宅舍十有二區。其次有辭語有歲月云：平四年上存四點。必嘉平也。官吏有郎中及賊曹與掾史。又有左都字彥和。及胡恩、胡陽、陳景等姓名。似是官爲檢校之文。其中有宅舍奴婢財物之句。其云妻無適嗣。又云未知財事。其前有爲後二字。則知旋立嬰襦爲嗣也。其云精魂未藏而有怨。上有一字從女。當是其母。則知其親物故未久也。末云春秋之義。五遜爲首。所以戒其宗姓或女兄弟之類。息爭室訟也。

表孝行例

都鄉孝子嚴舉碑末。延熹七年五月辛未朔十一日辛巳。臨江長饒丞杜謂都。言孝子嚴舉。爲父行喪。服制踰禮。追恩慕義。表門閭。有書賢明宰卿。闕應風生。是以天。仁人孝弟之至。通洞神祇。蓋淑。賞

則庶民勸。今□書到□□勉加勞來以究言如詔書。

隸模

右碑末所載長丞旌表之文也。漢代旌表用闕。

後漢書安帝紀。旌表門閭。旌顯厥行。李賢注。旌表者。若今樹闕而顯之。

用扁。百官志。凡有孝子順孫貞女。義婦。讓財救患。及學士爲民。

法式者。皆扁表其門。

亦用碑。漢書龔勝傳。後世刻石表其里門。後漢書淳于恭傳。刻石表閭是也。隸續曰。嚴舉碑有

文有頌。又有亂十六句。蓋嚴舉之父。仕至郡守。三女無男。以舉爲後。舉能和顏奉親。送終盡孝。母氏年

老。事繼若眞。德刑州里。官表門閭。弟子共爲立碑。

隸續所言。約碑文。

表軍功例

封燕然山銘。惟永元元年秋七月。有漢元舅日車騎將軍竇憲。寅亮聖皇。登翼王室。納于大麓。惟清緝熙。

乃與執金吾耿秉。述職巡禦。治

毛本治作理。此唐人避諱所改。今據文選作治。

兵于朔方云云。乃遂封山刊石。昭銘上德。其辭云云。

後漢

書贊

融傳

敦煌太守紀功碑。惟漢永和二年八月。敦煌太守雲中裴岑。將郡侯三千人。誅呼衍王等。斬馘部衆。克敵全師。除西域之災。蠲四郡之害。邊竟艾安。振威到此。立德祠以表萬世。

金石萃編

舊有立石今始刊詞揭於碑陰例

東海廟碑陰闕者。秦始皇所立名之秦東門闕。事在史記。

隸釋

隸釋曰。永壽元年。東海相南陽君崇飾殿宇。厥後山陽滿君爲作碑頌。別有數句。載秦東門事。乃頌所謂倚傾之闕者也。碑錄。朐山有秦始皇碑云。漢東海相任恭修祠。刻於碑陰。似此任君當又在滿君後。舊碑已壞。改刊新石。仍用舊文例。

丹陽太守郭旻碑。昔君卽世。雖立碑頌。裁足載字。加有瑕□。君之弟故太尉薨。歸葬舊陵。於是從子故五原太守鴻議郎□及肩孫□懷祖之德。乃更刻石。不改舊文。蓋用昭明祖勳。

金石錄 隸續載此碑。瑕下乃瑕字。郎下乃采字。係下乃范字。

舊碑已壞改刊新石不用舊文例

西嶽華山廟碑。自是以來。百有餘年。有事西巡。輒過亭。

同享

祭。然其所立碑石。刻紀時事。文字摩滅。莫能存

識。延熹四年七月甲子。宏農太守安國亭侯汝南袁逢。乃案經傳所載。原本所由。銘勒斯石。垂之于後。有舊碑雖未壞。而不合式。改刊新石者。山陽麟鳳瑞像碑。

碑云。永建元年。千秋七月。饗時。山陽太守河內孫君。見碑不合禮。遂鑿造新刻。瑞像麟鳳。

隸續碑圖

附

兩人共立一碑例

碑額漢故益州刺史中山相薛君巴郡太守宗正卿成平侯相劉君碑。

金石錄

金石錄曰碑已斷裂其額尙全古無兩人共立一碑惟見於此。隸續曰碑有祭死者及薛劉征討字殆是紀述平寇之事。趙氏誤以爲墓刻故云古無兩人共立一碑者。又以劉君爲成平侯相詳其額初無和字蓋王子侯也。

碑首橫書蜀郡屬國明府涪川陽翟辛君字通達卿掾爲李君字仲曾。

□□□□見前

前一碑趙以爲墓碑洪以爲紀軍功碑未知孰是。後一碑則造橋碑也。故墓碑廟碑碑額中不載此例。然其爲兩人共碑無疑也。因特標爲例。

一碑載兩人碑詞例

張公神碑。惟和平元年正月。□□朝歌長鄭彬造。

闕張公建良。

闕之山。運置墓陽。刊鑿琢磨。立左右闕。

表神道。闕暨碑廟堂之前。到五月。□□乃成長。□□之銘勒神認。光祕後昆。其辭曰。於穆張公。含和泰清。

云云。監黎陽營謁者李君畏敬公靈好鄭長文。徹奉佐工。惻愍慇懃。闕吏。□□□熹且惶。作歌九章。達李

君闕頌公德芳其辭曰棊水湯湯揚清波云云

隸釋

隸釋曰朝歌長鄭彬爲張公建闕作碑銘勒神懿監黎陽營謁者李君好鄭之文旣徵俸佐工又作歌九章刻之石

案碑文吏字下云作歌九章遼李君云云當是李君屬吏所作洪氏謂李君自作非

案葛碑亦有此例水經注涓水篇西鄂縣南有張平

子葛碑文是崔瑗之辭盛宏之郭仲產並云夏侯孝若薄其文復刊碑陰爲銘然碑陰二銘乃是崔子玉及陳翕耳而非孝若悉是隸二首並存以銘文不載故不錄

一碑載兩事例

司隸校尉楊孟文石門頌故司隸校尉楊君厥字孟文廢子由斯得其度經云云至建和二年漢中太守槿爲武楊王升字稚紀勒石頌德以明厥勳云云碑末王府君閔谷道□難分置六部道橋特遣行承事西成輔服字顯公都督掾南鄭魏整字伯玉後遣趙誦字公梁案察中曹卓行造作石積云云

隸釋

楊孟文通斜谷石門王升立碑頌德此一事王升又造作石積此又一事當是立碑時撰文者附書於後前例張公神碑當入廟碑例此碑當入道路碑例而不入者以其爲變例且亦通例

神位祗几刻石例

四皓神位神祚几刻石四

金石錄

圈公神坐角里先生神坐圈公神祚机綺里季神祚机

錄

當有八石神坐神祚几各四趙氏洪氏祇得其四耳金石錄曰顏師古匡謬正俗引圈稱陳留風俗傳自序云圈公之後圈公爲秦博士避地南山漢祖聘之不就惠太子卽位以圈公爲司徒自園公至稱十一世按班固述四皓但有園公非圈公也云當秦之時避地八商洛深山則不爲博士明矣又漢初不置司徒安得以圈公爲之乎稱之說實爲鄙野余嘗疑稱著書自述其世系不應妄誕如此及得四皓刻石見其所書亦爲圈公乃知所述果非稱臆說至謂圈公爲秦博士及惠帝時拜司徒疑無所據神位梧棧刻石例

五君梧棧文大老君西海君東海君真人君仙人君

隸

隸續曰黃伯思詩注宮中有方石上列圓穴五橢穴九俗謂之九卵石側各有題記曰大老君真人君仙人君東海君西海君字與漢人隸法同其穴殊無刊刻之跡乃漢世所作以祠真人圓者代棧橢者代梧就石爲之若窪尊之類

墳壇石例

墳壇刻石一云上谷府卿墳壇一云祝其縣卿墳壇

金石錄盧氏見曾曰謝本無縣字此疑衍

金石錄曰：墳壇刻石二，皆居攝二年三月造，其曰墳壇者，古未有土木像，故爲壇祀之。兩漢時皆如此。土木像兩漢已有，但非明於墳壇。趙氏所云，尙欠分別。陔餘叢考曰：史記：帝乙爲偶人以象天神，與之博，則殷時已開其端。國語：范蠡去越，越王以金爲其形而祀之。國策：宋王偃鑄諸侯之象，使侍屏圓，則并有鑄金者。孟子有作俑之語。宋王招魂，亦云像設。魏文侯曰：吾所學者乃土木梗耳。又國策：宋王曰：宋王無道，爲木人，以象寡人而射其面。又孟嘗君將入秦，蘇代止之曰：土偶與桃梗相遇，桃梗曰：子西岸之土也，梗子以爲人，歲八月雨降，則汝殘矣。土偶曰：吾西岸之上，土殘則復西岸耳。今子東國之桃梗也，削子以爲人，雨下水至，漂子而流，吾不知所稅駕也。則泥塑木刻，戰國時皆已有之。又韓非子記桓赫削之道，鼻莫如大，目莫如小，鼻大可小，小不可大也，目小可大，大不可更小也。此又塑像之秘訣。至佛像自漢武擊休屠，始得其祭天金人以歸，然則佛像本用金鑄，其後有用土木者，則轉從入中國後以。案古人墳與墓別，稱墳不稱墓，稱墓不稱墳。周禮春官序官家人注：冢封土爲丘壠，象冢而爲之，說中國之法爲之耳。其職云：以爵尊爲丘封之度。注云：王公曰丘，諸臣曰封。此云丘不言封，亦有封可知。禮記云：適墓不登壠，壠上爲壠，故兼云壠。禮記云：古者墓而不封，又有墳稱。爾雅：山頂曰冢，故云象冢而爲之。案此則冢也，丘也，封也，壠也，墳也，一也。冢如山頂，丘如丘封，壠皆壠上，墳亦大防之名。詩：汝墳，惻惻河墳是也。冢人疏：引春秋緯云：天子墳高三仞，諸侯半之，大夫八尺，士四尺。庶人無墳，此墳之制也。若然，封與墳同，而墳弓注云：墓謂兆域，今之封塋也。土之高者曰墳，封又與墓同者，墓在塋城上，塋城亦封土爲之，故曰封塋，非墓名封也。又序官墓大夫注：墓，冢塋之地，孝子所恩墓之處，疏其職云：掌凡邦墓之地域，令國民族葬，是掌萬民之墓地也。不云冢云墓者，禮記云：庶人不封不樹，故不言冢而云墓。據此則土以上稱墳，庶人稱墓，周制也。自漢以來，有墳無墓。周禮冢人注：漢律曰：列

侯塋高四丈，關內侯以下至庶人各有差是也。因以墳統名墓。漢以後史傳所載諸墓皆墳也。而墓旁封

金石書所載諸墓碑皆墳碑也。

土之壇別名墳。水經注：渚水篇：漢安邑長尹儉墓東塚西有石廟。又渚水篇：張平子墓東側墳有張平

子碑是也。

水經注清水篇、獲嘉縣故城西有漢桂陽太守趙越墓、冢北有碑、睢水篇、睢陽城北五六十里、得漢太尉橋元墓、冢東有廟、墓與冢並、冢即墳地也、從事武梁碑云、前設壝、壝建祠堂是也。

墓碑立於墓前、墳

碑立於墳上、張平子墓碑立於墳上、蓋墳無別碑、因以墓碑樹之、然墓與墳自是二處、其稱卿者、隸釋曰、卿者、應劭所云大縣有丞、左右尉、所謂命卿三人、乃上谷府丞祝其丞也、又曰、隸刻有武開明碑、終於吳郡府丞、其子榮碑、書吳郡府卿、漢人蓋稱其丞爲卿、案隸釋、蜀郡屬國辛李二君造橋碑、蜀郡屬國明府潁川陽翟辛君、字通達、卿、隸爲李君、字仲曾、廣漢太守沈子琚、潁竹江堰碑、縣丞、隸爲屬國王卿、諱□字季河、隸續、南安長王君平鄉道碑、丞、汴、邠王卿、尉、縣竹楊卿、是丞尉皆稱卿。

廟壇石例

陳仲弓壇碑額、題故太丘長潁川陳君壇。

金石錄、隸釋曰、案額額下闕二字、本傳云、潁川許人、此額所闕者、潁下是川、又一字當是許、額題郡邑、猶劉豐東平無碑之比。

碑文、君諱寔、

字仲躬云云。隸釋

隸釋曰、壇、廟中之壇、段光爲孫叔敖立廟作碑、其文云、興祀立壇是也、蔡中郎凡作陳君三碑、其第一碑云、許令以下、至于國人、立廟、雋邑、則知太邱有此碑、勒案、周制有廟壇、無墳壇、祭法曰、天下有王、分地建國、置都立邑、設廟祫壇、而祭之、又曰、去祫爲壇、去壇爲壇、注、封土曰壇、除地曰壇、書曰、三壇

同壇。徐君鼎曰、馬融書注云、壇、土堂。蔡邕獨斷云、壇謂築土起堂。壇謂築土而無屋者也。與鄭注封土除地義別。說文、壇、祭場也。揚、祭神道也。不云有屋。說文又云、壇、野土也。詩、東門之壇。毛傳、壇、除地町町者、不開築高。鄭注爲長。

據此知壇

在廟中。其碑有額有詞。與墓碑廟碑例同。若墳壇用二石。分書官爵。則用墓闕例。與此異。

後漢書光武紀、於是命有司設

壇。場於鄆南千秋亭五及陌。即皇帝位。李賢注、水經注曰、亭有石壇。壇有圭頭碑。其陰云、常山相隴西狄道馮龍所造。碑文未載。無以知其體例。附注於此。

漢石例卷六

總例

碑文隔圈例

嵩嶽太室石闕銘。○惟中□□云云。○潁川太守京兆杜陵朱寵云云。

金石萃編

兩漢金石記曰。前銘^句後系官名。各以一圈標置於首。亦金石文所罕見。

碑文空字例

樊安碑。詔下空二字書年月。

隸續碑式

侯成碑。銘後空五字。書夫人卒。

同上

開母廟石闕銘。重曰空二字。

金石萃編

空字書年月者。別異於碑文也。空字書夫人者。附錄也。空字書重日者。斷章也。據隸續。漢碑皆有穿。穿處皆空字。此不在空字之例。隸續又言郭究碑銘詞。規步履方之上。虛一字。殺阮神碑。末行空九字。有一人題名。又空三字。楊厥碑。厥當作漢高祖受命。璽筆甚長。所侵兩字許。又空兩字。方書其下一句。雍勸闕銘。第一重首行及第四五行七字。餘皆虛其下一字。案楊厥碑。命字璽筆侵兩字。故復空兩字。句皆四言。使之相齊。雍勸闕銘。三行七字。餘行皆虛一字。則句有短長。字有多寡。不能畫一故也。其餘無故空字。意如隸續所載周憬碑陰。空行以避石之裂路耶。

碑文出格例

孔廟卒史孔龢碑。制曰。高出一字。隸續碑式下同

袁逢修華山廟碑。高祖太宗孝武仲宗。並別行。高出一字。樊敏修華山廟碑。高祖陛下。出碑一字。與此同。

華山亭碑。皇帝永思。高出一字。謁者景君碑。皇帝騰高。出三字。後世三捧頭。其始於此邪。

曹騰碑。皇太后及先帝。高出一字。

韓勅後碑。皇漢高出一字。

劉寬碑。天子閔悼。高出一字。

案碑文推尊本朝。以明臣子之敬。其高出碑文宜也。隸續載韓勅前碑。皇戲統華胥。高出一字。皇戲卽伏義。此猶爲尊敬古皇之義。

錢氏金石文跋尾云。自皇戲統華胥而下五十二句。句皆四言。獨皇戲句五言。而皇字特跳上。一格書之。殊不可解。竊意此字後人妄加。王氏懷祖漢隸拾遺云。錢說是也。原碑皇字出格。至遼定爲真迹。獨不思此碑皇字凡四見。後人固能依放而爲之乎。案錢氏王氏並以皇字爲疑。此不知尊敬古皇特跳一格之例。

孫叔敖碑最後一行書年月高出一字。則非禮之敬矣。至楊震碑陰。複姓者十二人。惟公玉子舉。上官仲祖。信成君嚴。三川宣□四人。各高出其列一字。楊著碑陰。複姓者五人。獨相里文調高出一字。右三人。沛君生亦高出一字。此何說也。桐柏廟碑末有兩行題侍祠官屬。以春秋二字各題本行之上。並屬不經。故悉不錄。

碑文提行例

楊厥碑。厥當作渙高祖受命平關。隸續下及注同

右推尊本朝。提行以見敬。楊統碑孝順皇帝老子銘皇上。曹騰碑陰制曰。蔡湛碑聖朝。史晨饗孔廟碑朝廷等字。皆提行是也。凡碑文別有提行。如遇皇帝制詔等字。當出格以明臣子之恭。韓勅後碑。皇漢

高出一字。孔聖平闕。尊君敬師二者交盡是也。

許君宗寅曰。魯峻碑。事帝則忠。帝字提行。亦尊君之義。

如別無提行。卽以提行爲推尊

之義。不定出格。

華經室三集。釋宋戴公戈文云。戈之內有字二行。一字曰朝。次行八字曰王商戴公歸之造口。案王字提行。推尊本朝也。此制周已然。

華山亭碑。西嶽至尊平闕。

右提行以尊神。孫叔敖廟碑陰。相君有三嗣平闕。亦尊神之義。

韓勅後碑。孔聖平闕。

右提行以尊聖。史晨饗孔廟碑。昔在仲尼別作行。此斷章。非尊聖。

山陽太守祝睦後碑。祝君平闕。

此墓碑也。戚伯著碑。前五行敘其先世。至稱伯著則別行。綏民校尉蕭君碑。銘後追敘君今別作行。馮緄碑。將軍體濟守約將軍平闕。例略同。若北海相費君碑。屢稱明府。獨伏惟明府一句。

明府字平闕。不可解。

李翕鄴閣頌。太守漢陽李平闕。

此德政碑也。校官碑。深陽長潘君別作行。廣漢長王君平闕。例略同。若襄遠修華山廟碑。實府君及京兆尹皆平闕。帝堯碑。故濟陰太守平闕。此推尊祭廟修廟之官。用德政碑例也。

右提行以尊所敬。

孔廟卒史孔龢碑。讀曰平闕。

右斷章提行。北海相景君碑。亂曰。楊渙碑序曰。李翊夫人碑。歎曰。並提行。又李翕鄱閩頤。頤後又有詩。並別行。

孔廟卒史孔龢碑。兩元嘉三年及永興元年。皆平闕。司徒司空府。亦平闕。

右案牘提行。史晨饗孔廟碑。兩尚書字平闕。例略同。陔餘叢考曰。凡奏事。遇至尊必高其字於衆行之上。蓋自古已然。魏志。景元元年。詔尊崇燕王之禮。凡奏事上書稱燕王者。皆上平。可見古時凡稱君上。高出本文之上。今日上平。蓋另行起而與本文相平。以殺於天子之式爾。案高出本文卽出格另行。起而上平卽提行。

碑文空行例

度尚碑文十五行。空三行。刻立碑年月。隸續下及注同。

右碑文已了。空行書年月。帝堯碑。逢童子碑。空一行。書年月。例同。

綏民校尉熊君碑文十七行。財及碑之半。其後空數行。書文春事。又空一行。書杜暉事。末行書年月及碑師姓名。與杜暉相隔亦數行。

右碑文附載二人事如史之附傳。故空行以別之。

馮緄碑文十四行。後空三行。書威宗得諡之因。

右碑文附載他事。亦空行別之。

羊竇道碑前有文六行。空一行。後有文九行。崖石有裂路。文避石裂。故字數不等。

右空行避裂路。蔡湛碑文十三行。空一行。方刻銘。又空一行。低二十三字。刻年月。續書除并州事。周愷碑陰。上一列二十三人。下一列前空七行。所題者八人。又空六行。刻工師姓名。其亦石有癡瑕與。

碑文低行例

劉寬碑末行低數字。書門生商苞等姓名。隸續下及注同。

楊渙碑文。後一行低二字。書趙邵等三人姓名。末行低七字。書魏伯玉徙官。

李翁西狹頌。末有小字題名二行。低四字許。

廣漢長王君碑。末行低四字。書立石人名。

低行有二義。一以見碑文已了。一以見卑者賤者當謙下。若蔡湛碑低二十三字。刻年月。度尙碑低十三字。刻年月。逢童子碑低二十許字。刻年月。字少不滿行故也。不在低行之例。

重字旁註二字例

司隸校尉楊孟文石門頌。清凉調和。二 艾寧。又君德明。二 炳煥彌光。又無偏蕩。二 眞雅以方。又垂流億

載。世。二 嘆誦。又勤。二 竭誠。榮名休麗。

釋隸下同。

石門頌又云。中遭元二。

西夷虜殘。

隸釋曰。鄧騭傳。元二之災。

注云。元二。即元

也。古書字當母讀者。即於上字之下爲小二。字。皆此字當兩度言之。后人不曉。遂讀爲

元二。或同之陽九。或附之百六。良由不悟。致斯舛舛。岐州石鼓銘。凡重言者。皆爲二字明驗也。趙氏云。此碑有曰。中遭元二。西戎虜殘。橋

梁斷絕。若讀爲元元。不成文理。疑當時自有此語。漢注未必然。予案漢刻如北海相景君及李翊夫人碑。凡重文皆以小二字發其下。此

碑有泰泰明明。蕩蕩世世。勤勤。亦不拜出一字。然非若元元。遂齊爲大二字也。又孔耽碑云。遭元二。轉軻。人民相食。若作元元。下文不

應。又言人民。漢注之非。明矣。王充論衡云。今上嗣位。元二之間。嘉德布流。三年。零陵生芝草。凡本四年。甘露降五縣。五年。芝復生。六年。黃

龍見。大小凡八。章帝紀所書。建初三年以后。龍芝甘露之瑞皆同。則論衡所云。元二者。蓋謂即位之元年二年也。鄧君傳云。永初元年。夏

涼部叛。羌搖蕩西州。帝紀班師在二年十一月。則此傳所云。元二者。亦謂元年二年也。案隸釋考證甚精確。恐後人仍以爲重字。故附錄

其說。

其說。

北海相景君銘。元。二 繆寡。蒙祐以寧。又再命虎將。綏元。二 今。李翊夫人碑。疇匹號兮鳴譽。二 又魂魄孤兮

獨焚。二 又嗟日遐兮適宵。二

重句旁註二點例

敵民吳仲山碑奈何

釋錄

鍾鼎文。凡子子孫孫疊字。或作二點。或旁注小二字。見博古圖諸書。文多不錄。陔餘叢考曰。凡重字。下

者可作二畫。始於石鼓文。重字皆二畫也。後人襲之。因作二點。今并有作一點者。

孔氏廣森經學卮言。台南委蛇委蛇。釋文云。沈讀作

委蛇。蛇。案古書遇重讀者。每于各字下疊小二。石鼓文。君子員獵員獵。即書作君子員二獵二員。宋書樂志。載諸樂府辭。皆如是。若秋胡行云。願二登二華二山二神二人二共二邀二遊二。乃所讀願登泰華山神人共邀遊二句也。此詩舊本似亦作委

二蛇二。故沈重誤讀耳。

案作二點。始見於秦刻。擘經室三集。秦琅邪臺石刻拓本跋云。碑所存者。首行五夫三字。

二行五夫。二楊樛五字。十行史夫。二臣德昧死言臣九字是也。

銘詞稱詞例

元儒先生婁壽碑。詞曰。皇矣先生。懷德惟明云云。

釋錄

綏民校尉熊君碑。詞曰。赫赫熊君。遷基□字云云。

同上

司徒掾梁休碑。詞曰。□□文允垂棘云云。

釋錄

銘詞稱詞常例也。然各碑皆作辭。說文、詞、意內而言外也。釋名、詞、嗣也。今撰善言相續嗣也。是詞爲正字。辭爲假借。爰錄三碑以示例焉。

銘詞稱銘例

司隸校尉魯峻碑。銘曰：巖巖山岳，礪落彰較云云。釋 隸

恭冕曰：較與較同，廣雅、較、明也。

封邱令王元賓碑。銘曰：於穆王君，穹天生德云云。續 隸

銘義見墓碑例。

銘詞稱誄例

北海相景君銘。誄曰：伏惟明府，受質自天云云。釋 隸

誄義見德政碑例。

銘詞稱歎例

李翊夫人碑。歎曰：陰陽分兮鐘律滋，星月列兮有四時云云。釋 隸

說文嘆吞歎也。一曰太息也。歎吟也。段氏注曰：嘆歎二字，今人通用。毛詩中兩體錯出，依說文則義異。歎近於喜，嘆近於哀。故嘆調吞歎，吞其歎而不能發，太息別一義，與喟義同。樂記：一唱而三歎，有遺音者矣。又云：長言之不足，故嗟歎之。嗟歎之不足，故不知手之舞之，足之蹈之。論語：喟然歎曰：皆是歎字。檀弓曰：戚斯嘆，嘆斯擗。詩云：而無永嘆。慨其嘆矣。慨我將嘆，皆是嘆字。案嘆歎對文則別，如說文及段氏所引是也。散文則通。如此碑及祝長嚴祈碑。見卷一碑文首用伊歎例是也。劉向九歎序云：歎者，傷也。息也。言屈原放在山澤，猶傷念君，歎息無已。此歎可通嘆之證。

銘詞稱頌例

文烈侯楊公碑頌曰：巍巍聖猷，匪師不昭云云。

蔡中郎集

此墓碑也。中郎集：劉鎮南碑，交阯都尉胡夫人黃氏神誥。太傅胡公夫人靈表。隸釋：冀州刺史王純碑。幽州刺史朱龜碑。益州太守高頤碑。隸續：成宗令任伯嗣碑，並稱頌。

東海廟碑頌曰：浩浩倉海，百川之宗云云。

隸釋

此廟碑也。隸釋：三公山碑，梁相孔耽神祠碑，並稱頌。

李翁析里橋鄰闢頌。頌曰。□□□□降茲惠君云云。同上

此德政碑也。頌義見墓碑例。敍文亦稱頌。山陽太守祝睦後碑是。頌曰。伊余祝君。兆自黎辛。又曰。鄰有祝睦者。君其庸也云云。不別爲例。隸釋

銘詞稱讚例

孔廟置百石孔龢碑。讚曰。巍巍大聖。赫赫彌章。隸釋

讚義見墓碑例。

銘詞稱敍例

溧陽長潘乾校官碑。敍曰。翼翼聖慈。惠我犇燕云云。隸釋

敍義見德政碑例。

銘用三言例

國三老袁良碑。飛清邈。紛其厲云云。隸釋下同

山陽太守祝睦碑。懿我君國之光云云。後碑銘文亦三言

竹邑侯相張壽碑。亮元德於我君云云。

隸釋。郎中馬江碑。北軍中侯郭仲奇碑。園令趙君碑。相府小史夏瑒碑。隸續。司徒掾梁休碑。冀州從事郭君碑。銘文並三言。不備錄。

銘用六言例

太傅胡公夫人靈表。頌曰。悲母氏之不永。懷殷恤以摧傷云云。蔡中郎集

銘用七言例

張公神碑。葦水湯湯揚清波。東疏□折□于河云云。隸釋下同

此廟碑也。梁相孔耽神祠頌。銘文亦七言。不具錄。

枉陽太守周憬功勳銘。乾山剖兮建兩儀。剛柔分兮有險夷云云。

此德政碑也。

冀州從事張表碑。於穆君兮煥流芳。闡洪軌兮休烈彰云云。

此墓碑也。李翊夫人碑。銘文亦七言見前。

銘用長短句例

綏民校尉熊君碑。追叙君兮懷純精。名稱於州里兮樞機發。動執忠貞兮溷亂而不惑云云。釋

益州太守無名碑。仲尼去魯兮君子失路。喪賢君兮與誰勸云云。同上

此用楚詞體也。有四言銘文。忽接入長短句者。戎郎胡公夫人哀讚。

讚云。愍予小子。夙罹孔艱云云。疾大漸以危。亟兮情微微而浸衰云云。蔡中郎集

童幼胡根碑。

碑云。於惟仲原。應氣淑靈云云。惜繁華之方暉兮。望嚴霜而淒零云云。同上

李翁析里橋郿閣頌。

頌云。□□□□降茲惠君云云。□□□□兮。川兌之間。高山崔嵬兮。水流蕩蕩云云。雜釋

其例同。案銘詞用四言常例也。間有三言六言七言長短句。爰著爲例。獨無五言。蓋五言似銘非銘。似詩非詩。故不用。冀州從事張表碑。皆四言韻語。末四句五言。堂邑令費鳳碑。誄後載施業戚忠竭力送終之事。皆五言。費鳳別碑。先叙世系歷官。繼以韻語六十句。其三句六言。餘皆五言。並見非正例也。雜釋

銘詞分章例

張公神碑。作歌九章。頌公德芳。其辭曰。葦水湯湯。揚清波云云。見前九章相
接各空一字。

酸棗令劉熊碑。詩三章。其辭曰。清和穆鑠。實惟乾山云云。隸釋三
章皆提行

案銘詞皆一章。如頌體。此則如風雅體。特著爲例。

銘後書亂曰例

北海相景君銘。誄曰。伏惟明府。受質自天云云。優曰。考積幽窆。今云云。隸釋

此墓碑也。巴郡太守樊敏碑。益州太守無名碑同。

巴郡屬國辛通達李仲曾造橋碑。辭曰。我邦乾川。垂極云云。亂曰。我君明且。今云云。同上此
營建碑

都鄉孝子嚴舉碑。頌曰。炎曜隆赫云云。亂曰。休哉休哉。君云云。隸續此
旌表碑

國語。閔馬父曰。昔正考父校商之名。頌十二篇於周太師。以那爲首。其輯之亂曰。自古在昔。先民有作。

溫恭朝夕。執事有恪。案此則樂之卒章名亂。史記孔子世家。關雎之亂。以爲風始是也。關雎葛覃卷耳燕
禮鄉飲酒禮合樂

時方歌此三章於樂爲卒章
於詩爲首章故云亂爲始
楚詞離騷經。及九章中之涉江哀郢抽思懷沙四篇。篇末並有亂曰。宋玉以後。

騷賦家競做其體延及漢末碑刻亦然王氏逸注離騷曰亂理也所以發理詞指總撮其要也屈原舒肆情懣極意歐詞或去或留文采紛華然後結括一言以明所趣之意也韋氏昭注國語曰凡作篇章義既成撮其大要以爲亂辭詩者歌也所以節舞者也如今三節舞矣曲終乃更變章亂節故謂之亂也。

銘後書重曰例

洪氏與祖楚詞遠遊篇重曰補注重直用切

開母廟石闕銘

□□□□□□□□□□□□□□□□
以上銘文

重曰□□□□□□□□□□德洋溢而溥優云云。
金石文字記

楚詞遠遊重曰春秋忽其不淹兮奚久留此故居云云王氏注憤懣未盡復離辭也洪氏離騷經補注離騷有亂有重亂者總理一賦之終重者情志未申更作賦也金石文字記曰石闕銘重曰二字出楚詞遠遊篇所謂言之不足而長言之也并叔語以爲重日而云是年月一行案此一行今存六字二年之下重曰之上空石未鐫益明其非紀日矣漢書班倢妤自悼賦文選潘岳寡婦賦亦竝用重曰二字銘後書叙曰例

司隸校尉楊孟文石門頌辭曰君德明二
煇煥彌光云云序曰明哉仁知豫讖難易云云

錄

銘詞稱叙已見前。此於銘後復稱敘曰者。孔子贊易。在本經之後。詩書序。史記漢書序傳。亦在全書之後。此用其例也。案銘後稱亂。稱重。稱敘。猶例之正也。孝廉柳敏碑。故孝廉柳君云云。其體乃敘。厥辭曰。惟斯柳君云云。其體乃銘。末用嗚呼懷哉二句。又似誄。辭曰。山陵元室。斯邦兮云云。又似銘。文無定。則不可爲法。

國號上加大字例

史晨饗孔廟後碑。大漢延期。彌歷億萬。隸釋下同

綏民校尉熊君碑。大漢龍興。舉鄉口。

光祿勳劉曜碑。天臨大漢。錫呂明喆。

吉成侯州輔碑。大漢典制。有恩澤之封。

司馬相如封禪文。揚雄解嘲。河東賦。班固兩都賦。張衡東京賦。馬融廣成頌。稱大漢。又漢書賈讓奏言。見溝洫志淮南王安上書。見本傳後漢書和熹鄧皇后紀。岑彭。耿弇。祭遵。耿純。竇憲。杜林。朱浮。張純。曹褒。鄭興。陳

寵。班超。王符。張皓。蔡邕。左雄。李固。段熲。杜篤。謝夷吾諸傳。皆稱大漢。西南夷傳。載白狼王唐菆等詩。亦稱大漢。蓋夷夏通稱也。亦稱盛漢。見後漢書楊敞傳

國號上加皇字例

韓勅修孔廟後碑。皇漢帝元永壽三年。韓勅

皇之爲大常訓也。班固西都賦。蓋聞皇漢之初經營也。皇漢卽大漢。

國號上加聖字例

桐柏廟碑。位比諸侯。聖漢所尊。隸釋下同

太尉劉寬碑。聖漢王侯繼次。有國有號。

太尉楊震碑。聖漢龍興。楊熹佐命。趙相劉衡碑。亦云聖漢龍興。

開母廟石闕銘。第七行□□□亨。亨上是聖漢禮三字。王氏懷祖曰。聖漢二字雖模糊而可辨。禮字左邊尙存。右邊聖字上半模糊。而下半分明。亨卽享字。漢書賈捐之陳湯平當揚雄王莽後漢書隗囂桓譚郎顗班彪陳寵盧放諸傳並稱聖漢。案光武七年詔曰。其上書者不得言聖。則聖漢乃漢人臨文之常言也。陳寵當章帝時上書已稱聖。蓋光武詔自是謙德。臣下上書稱聖。禮固應爾。亦稱聖朝。隸釋樊毅復華下民租田口算碑。誠聖朝勞神日昃。豪長蔡湛頌。聖朝明哲。冀州刺史王純碑。聖朝嘉君。漢後

書朱雲傳。亦稱聖帝。廣漢太守沈子琚。縣竹江堰碑。聖帝明明是也。亦稱聖上。見漢書藝文志。

國號上加神字例

周府君碑額。神漢桂陽太守周府君功勳之紀銘。錄釋

神漢猶聖漢。

書四時天名例

文翁石柱記。漢初平五年。旻天季月。集古錄。隸釋。作益州太守高朕修周公禮殿記。金石錄云。今成都府學有漢時所建舊屋。柱皆正。方上狹下闊。此記在柱上刻之。隸釋亦云。此記刻于東南之一柱。亦木爾歟。

陽氏以爲文翁

石柱記者誤

爾雅。秋爲旻天。毛詩黍離傳。仁覆閔下。則稱旻天。然則旻天者。對春夏冬言。則爲秋天之名。散則天之通稱也。

書太歲例

逢重碑。歲在協洽。其後題光和四年四月四日丁卯立。金石錄。又巴郡太守樊君碑。歲在汁洽。其後題建安十年二月上旬造。案協汁洽。洽古通。

薇阮君神祠碑。迄光和四年作銘之歲。以作撰爲作。諸出漢書天文志。隸釋下同。

桂陽太守周憬功勳銘。於是熹平三年。歲在攝提。

堂邑令費鳳碑。惟熹平六年。歲格於大荒。隸釋冀州從事郭君碑。君年卅一。以光和二年大荒。載祇月戊申。隨賀而終。案光和二年歲癸丑。則大荒。載必非大荒。落祇月二字。亦不可解。附誌俟攷。

右書歲名。案書歲名必繫以年代。或碑末補書年代。隸釋載李翊夫人碑曰。歲在大淵獻。碑文既不繫年代。碑末又不補書年代。不可爲例。

武氏石闕銘。建和元年。太歲在丁亥。金石錄。隸釋。敦煌長史武斑碑同。

金鄉長侯成碑。建寧二年。歲在己酉。又夫人以延熹七年。歲在甲辰云云。隸釋下同。

司隸從事郭究碑。中平元年。歲在甲子。

綏民校尉熊君碑。建安二十一年。太歲丙申。

右書干支。隸釋載戚伯著碑云。歲在丁亥。前後俱無年月。洪氏推較以爲建武或章和。案碑後闕文。其有年月與否。無以明之。若本無年月。則亦撰文者不知體例故也。日知錄曰。甲至癸爲十日。日爲陽。寅至丑爲十二辰。辰爲陰。此二十二名。古人用以紀日。不以紀歲。歲則自有闕逢。至昭陽十名爲歲。

陽攝提格至赤奮若十二名爲歲名。後人謂甲子歲癸亥歲。非古也。自漢以前。初不假借。史記歷書。太初元年。年名焉。即閏字逢攝提格。月名畢聚。日得甲子夜半朔旦冬至。其辨晰如此。若呂氏春秋序意篇。

維秦八年。歲在涪灘。秋甲子朔。賈誼鵬賦。單閼之歲兮。四月孟夏。庚子日斜兮。鵬集予舍。許氏說文後。敍。粵在永元困頓之年。孟陬之月。朔日甲子。亦皆用歲陽歲名。不與日同之證。漢書郊祀歌。天馬徠。執徐時。謂武帝太初四年。歲在庚辰。兵誅大宛也。又曰。歲之稱甲子也。借也。自亡新始也。王莽下書。言始建國五年。歲在壽星。填在明堂。倉龍癸酉。德在中宮。又言天鳳七年。歲在大梁。龍集庚辰。厥明年。歲在實沈。倉龍辛巳。隋書律歷志。王莽銅權銘曰。歲在大梁。龍集戊辰。又曰。龍在己巳。歲次實沈是也。自此後。漢書張純傳。言攝提之歲。蒼龍甲寅。朱穆傳。言明年丁亥之歲。荀悅漢紀。言漢元年實乙未也。曹娥碑亦云。元嘉元年。青龍在辛卯。蜀郡造橋碑云。維延熹龍在甲辰。而張角訛言蒼天已死。黃天當立。歲在甲子。天下大吉。以白土書京城寺門及州郡官府。皆作甲子字矣。案顧氏謂干支紀年。始於亡新。非也。王氏予中白田草堂存稿曰。書詩春秋傳。國語戰國策。其紀年雖不以甲子。而亦無有以闕逢攝提格爲歲名者。惟呂氏春秋有歲在涪灘。賈誼鵬賦有單閼之歲之語。疑出於戰國時星家別爲之名。故史記歷書以是紀年。而他紀傳則略無所見。甲子歷術篇與天官書亦有不同。而漢志中書亦小異。則

爾雅所云已不盡可據。況爾雅博士立於王莽時。王莽最爲慕古。而其下書云癸酉。云庚辰。云辛巳。不以歲陽歲名。則可知古之不以歲陽歲名紀歲也。索隱謂爾雅近代之作。故與史漢志有不同者。則不知古人紀歲。從爾雅所云乎。抑從史漢志乎。爾雅亦有月陽月名。史歷書歲名闕逢攝提格。月名畢聚。固一例也。可謂古人以月陽月名紀月乎。古人簡質。紀年但以一二數。而不及甲子。且爾雅云太歲在甲曰闕逢。太歲在寅曰攝提格。則是先有甲子乙丑。而後別爲之名。不知古人何以支贅若此乎。以顧氏之博學。而所引據止呂氏春秋賈誼賦及許叔重說文後敍。亦可知前之一無所據矣。又黃帝素問亦戰國之書。其論運氣。則以甲子紀年。不以歲陽歲名。蓋不可以一二數。故變而從甲子。則固不始於王莽也。而謂古人必以歲陽歲名紀年。豈其然乎。案王氏謂干支紀年不始於莽。是也。至於月名紀月。古人有之。國語。至於元月。釋。益州太守城垣碑。至于元月。本此。是春秋時以月名紀月也。楚詞離騷云。攝提貞於孟陬兮。是

戰國時以歲名月名紀月也。歲陽歲名。月陽月名。當是一時所制。後人紀歲。或用歲名。或用干支。初無定例。淮南子天文訓云。攝提格之歲。單閼之歲。執徐之歲。大荒落之歲。敦牂之歲。協洽之歲。涒灘之歲。作鄂之歲。掩茂之歲。大淵獻之歲。困敦之歲。赤奮若之歲。此以歲名紀年也。又云。淮南元年冬。太一在丙子。錢氏塘補注。武帝太初元年。太歲在丙子。淮南王安。以文帝十六年。自阜陵侯進封。是年下距太

初元年六十筭。則太歲亦在丙子矣。名太一爲太歲。從其本名。太一在丙子。卽闕逢攝提格之歲。又云。太陰元始。建于甲寅。錢氏補注。此太陰在闕逢攝提格之歲。非太歲也。此太陰紀年之義。錢氏以太歲太陰爲二與廣雅異。而干支紀年無異說。此以干支紀年也。陔餘叢考曰。爾雅。太歲在甲曰闕逢。乙曰旃蒙。在寅曰攝提格。卯曰單閼。

雖有闕逢等名。而曰在甲在乙。是未嘗不以紀歲。又曰。律歷志有太歲在子太歲在丑之文。則以之紀歲矣。建子建丑建寅之異其朔。則以之紀月矣。漢書五行志。有日加巳日加未之語。則以之紀時矣。此皆在新莽以前。不得謂自莽始也。蓋干支之義。所該者廣。甲子與攝提格之類。字雖異而義本同。古人恐年月日時易混。故分別紀之。其實一也。邵氏晉涵爾雅正義曰。爾雅所釋歲名。卽春官馮相氏掌十有二歲之位也。十二歲爲一終。合歲陽於歲名。終十二歲者五。積歲六十。是謂一周。爾雅所謂月名。卽馮相氏所掌十有二月之位也。合月陽於月名。亦六十而一周。至於自甲至癸。馮相氏所掌十日之位也。自寅至丑。馮相氏所掌十有二辰之位也。十日十二辰。數窮六十。周則更始。六六相乘。準以敘歲。古者紀歲紀月。各有定名。所以驗天行之轉也。故歲陽歲名月陽月名次之。

書倉龍例

韓明府修孔子廟禮器碑。永壽二年。青龍在涪灘。集古錄

外黃令高彪碑。光和七年。龍在困敦。碑末。惟中平二年。龍旂奮若。隸釋

山陽麟鳳瑞像碑。漢盛德中興。卽政二年。辛酉之部。首歷六十。麟青龍起。蟬螟。爾雅注。準閱音丹過。一音蟬螟。永建二年。歲在丁卯。故此碑用蟬螟。

字。蟬與蟬同。隸續

右書歲名。

曹娥碑。以漢安迄于元嘉元年。青龍在辛卯。古文苑

文翁石柱記。漢初平五年。倉龍甲戌。顏有憲謂獻帝無初平五年。當是興平元年。蓋時天下喪亂。西蜀僻遠。年號不通。故仍稱舊號也。今檢范氏漢書本紀。初平五年正月改爲興平。顏說是也。集古錄

荊州刺史度尙碑。永康元年。龍集丁未。隸釋

蜀郡屬國辛通達李仲曾造橋碑。惟延嘉龍在甲辰。同上

右書干支。倉龍卽太歲。廣雅釋天。青龍、天一、太陰、太歲也。王氏疏證曰。爾雅。太歲在寅曰攝提格。淮南子天文訓。太陰在寅。歲名曰攝提格。開元占經。歲星占篇。引許慎注云。太陰。謂太歲也。天文訓又云。

天神之貴者莫貴於青龍。或曰天一。或曰太陰。太平御覽引尚書考靈耀。青龍甲寅。攝提格孳。鄭注云。青龍歲也。歲卽太歲。周官保章氏十有二歲之相。鄭注云。歲謂太歲。歲星爲陽。右行於天。太歲爲陰。左行於地。十二歲而小周是也。或曰。攝提開元占經。歲星占引甘氏云。攝提格之歲。攝提在寅。歲星在丑是也。青龍或曰倉龍。漢書王莽傳。歲在壽星。倉龍癸酉。服虔注云。倉龍太歲是也。太陰或曰歲陰。史記天官書云。攝提格歲。歲陰左行在寅。歲星右轉居丑是也。錢氏淮南子天文訓補注云。青龍天一太陰。皆謂陰德也。入卯宮。故曰青龍。此青龍非太歲。又云。周禮保章氏注。歲星爲陽。右行于天。太歲爲陰。左行于地。十二歲而小周。鄭所謂陰。據太歲對歲星歲言之。尙非謂歲陰卽太歲。歲星行有左右。則與斗建日躔無異。故樂說云。歲星與日常應太歲月建。以見謂歲星與日同次之月。其斗所建之辰。常有太歲也。古人視歲星以知太歲。因以太歲名年。爾雅太歲在甲曰閏逢。在寅曰攝提格是也。至西漢時。復因太歲而知歲陰。命其時所謂顯。歷上元爲太歲甲寅。推前三百三十八筭。而得太陰甲寅。于六十干支後三十八算。于十二辰則後二筭。必三百三十八筭者。略以五星通率推得之。其氣朔則正月朔旦啓蟄也。故天官書曰。攝提格歲。歲陰左行在寅。歲星右轉居丑。丑爲星紀。日月五星于是始。故治歷者必用此爲十二次之首。卽以爲歲陰在攝提格之歲。其太歲則在子。是以孝武太初元年太歲在丙子。而詔以爲復得焉。逢攝提格之歲。蓋用歲陰名也。小司馬不知其義。謂史漢歷法不同。誤矣。歲星

在丑。歲陰在寅，則歲星在子。歲陰在卯，歲星在酉。歲陰在午，可知由是一左一右，周行十三辰。淮南由太陰以推歲星，義正同也。案錢氏辨論，本於錢氏大昕潛研堂集，而高郵王文簡經義述聞太歲考，以太歲太陰天一攝提青龍爲一，其說甚核，俟更詳之。

書星次例

樊毅修華嶽廟碑。惟光和元年歲在戊午，名曰咸池。

集古錄。韓裨古文苑作西嶽華山亭碑。古文苑戊午作戊子。

隸釋曰：淮南子論天之四宮，曰咸池者水魚之囿。天官書云：西宮咸池曰天五潢，奎婁胃昂畢觜參居之。敦牂歲歲星以五月與胃昂畢晨出東方，名曰天津。蓋三宿在西宮之中，而歲星以午年舍其分，故以咸池爲名。所云天津者，亦取五潢之意。淮南又以斗杓爲小歲，咸池爲大歲，而謂其每歲自卯逆行四仲，即陰陽家所推以忌乘航者是也。許祭酒注云：咸池，星名，水魚天神。蓋經星隨璇機之運，不可離。其次者周流四仲，當是其神爾。故晉志又曰：咸池，魚囿也。案晉書志天文上云：五車五星三柱九星在畢北，其中五星曰天潢。天潢南三星曰咸池，魚囿也。隋書志天文上略同。又云：咸池明有龍墮，死猛獸及狼害人若兵起。淮南天文訓曰：正月建寅，月從左行十二辰，咸池爲太歲。二月建卯，月從右行四仲，終而復始。錢氏補注曰：淮南有兩太歲，此太歲非太一也。或說太當爲大，然義則同。咸池直參，參主斬

伐咸池在其上。故不可向。太史公曰：西宮咸池，猶言西宮白虎也。

唐會要載九宮貴神：天蓬星太乙坎水白，天內星攝提坤上黑，天衡星軒轅木青，天輔星招

搖巽木綠，天禽星大符中上黃，天心星青龍乾金白，天柱星咸池兌金赤，天任星太陰艮土白，天英星天井離火紫。

東方朔七諫云：哀人事之不幸兮，慰天命而委之咸池。亦

以咸池爲凶神。咸池所建當以日所在定之。正月日在亥加時酉，則咸池在午。二月日在戌加時巳，則咸池在卯。三月日在酉加時丑，則咸池在子。四月日在申加時酉，則咸池在酉。以此差次，夏三月加時如春三月，秋冬亦然。而寅午戌之月，咸池常在辛亥。卯未之月，咸池常在卯巳。酉丑之月，咸池常在酉申。子辰之月，咸池常在子。所以然者，咸池屬金。巳酉丑三時亦金也。故必以其時居于四正，而其月自以木火金水爲類，不相陵越也。錢氏潛研堂文集問淮南以咸池爲太歲，與它書所言太歲又異。何故？曰：淮南書云：斗杓爲小歲，咸池爲大歲。又云：大時者，咸池也。小時者，月建也。咸池與月建大小相對。初末嘗指咸池爲太歲，其作太歲者，後人轉寫之譌。吳斗南兩漢刊誤謂淮南不名天一爲太歲，又自以咸池名之，則南宋本已誤。又與梁燿北論史記書咸池本兼五潢五車三柱而言。故云：天五潢。又云：五帝車舍。其匡衡甚廣，因以表西方諸宿。淮南天文訓：咸池者，水魚之固也。又云：斗杓爲小歲，咸池爲大歲。蓋斗爲帝車，咸池亦以五車爲匡衡，皆有運行之象。故指其所建，以定四時。天潢之義，與咸池同。潢卽池也。後人析爲數名，以三小星當咸池，失其義矣。史公以紫宮房心權衡咸池虛危爲天之五官。

豈專指三小星而言哉。又養新錄曰：歲在子卯午酉，則歲所直之月，正當咸池之位。如卯年卯月，咸池在卯；午年午月，咸池在午；酉年酉月，咸池在酉；子年子月，咸池在子。故名曰咸池也。咸池大歲與斗杓小歲相對。洪氏謂歲星以午年舍其分，故以咸池爲名。此則誤會史記之意。史記所謂歲陰在午，歲星居酉者，謂太陰在午，非太歲在午也。若太歲在午，則歲星當以五月與東井輿鬼晨出東方，與咸池無涉矣。

祝長嚴訢碑：和平元年，歲治東宮，星屬角房，月建朱鳥。金石錄

荊州刺史度尚碑：永康元年，歲在鶉尾。

釋

外黃令高彪碑：惟中平二年，月次星紀。

同上

日知錄曰：春秋之世，各國皆自紀其年，或參互而不易曉。有舉歲星而言者，歲五及鶉火，歲及大梁，歲在姬訢之口也。案周亦用星次紀時，不但列國爲然。周語：伶州鳩曰：昔武王伐殷，歲在鶉火，月在天駟，日在析木之津，辰在斗柄，星在天璣，星與日辰之位，皆在北維。古人以星次紀時，其詳如此。

書月律例

祝長嚴訢碑。月建朱鳥。中呂之均。金石錄

堂邑令費君碑。无射之月。同上

律中中呂者。夏正四月。律中無射者。夏正九月。均卽韻字。所謂律中也。月令鄭注云。律候氣之管。以銅爲之中。猶應也。謂次灰也。正義蔡邕云。以法爲室。三重戶閉。塗罍必周。密布緹縵室中。以木爲案。每律各一案。內庫外高。從其方位。加律其上。以葭灰實其端。其月氣至。則灰飛而管通。如蔡所云。則是爲十二月律。布室內十二辰。若其月氣至。則其辰之管。灰飛而管空也。然則十二律各當其辰。邪埋地下。入地處庫。出地處高。故云內庫外高。黃鐘之管。埋於子位。上頭響南。以外諸管。推之可悉知。

書朔例

修西嶽廟復民賦碑。光和二年十二月庚午朔。十三日壬午。集古錄 又唐君碑。光和六年二月午朔。二十五日丙午。

西嶽石闕銘。永和元年五月癸丑朔。六日戊午。金石錄 又武氏石闕銘。建和元年三月庚戌朔。四日癸丑。又禹廟碑。光和二年十二月丙子朔。十九日甲子。

孔廟置守廟百石孔龢碑。元嘉三年三月丙子朔。廿七日壬寅。又永興元年六月甲辰朔。十八日辛酉。續

又魯相史晨祠孔廟奏銘。建寧二年三月癸卯朔七日己酉。又廣漢太守沈子瑁縣竹江堰碑。熹平五年五月辛酉朔一日辛酉。又綏民校尉縣君碑。見後。

吳氏仁傑南漢刊誤補遺曰。三王世家並載諸臣奏疏。其著朔可爲後世法程。曰三月戊申朔。乙亥。御史臣光守尙書令丞非。下御史書到言丞相臣青翟。御史大夫臣湯云。昧死上言。臣請立臣閼。臣旦。臣胥。爲諸侯王云云。制曰可。四月戊寅朔。癸卯。御史大夫湯下丞相。丞相下中二千石。二千石下郡守諸侯伯。前言戊申朔。則乙亥爲二十五日矣。前言戊寅朔。則癸卯爲二十六日矣。中興以後。有司失其傳。如先聖廟碑。載三月丙子朔。二十七日壬寅。修西嶽廟碑。載十二月庚午朔。十三日壬午。烏有知朔爲丙子庚午。而不知壬寅壬午爲二十七日十三日者哉。斯近贅矣。今世碑記祭文。踵先漢故事可也。日知錄曰。今人謂日多曰日子。日者。初一初二之類是也。子者。甲子乙丑之類是也。周禮職內注曰。若言某月某日某甲。詔書或言甲。或言子。一也。文選陳琳檄吳將校部曲文。年月朔日子。李周翰注曰。子發微時也。漢人未有稱夜半爲子時者。誤矣。古人文字年月之下。必繫以朔。必言朔之第幾日。而又繫之下支。故曰朔日子也。又曰。漢人之文。有卽朔之日。而必重書一日者。江表碑。朔一日辛酉。熊君碑。朔一日丙寅。此則繁而無用。不若後人之簡矣。處士嚴發殘碑云。戊申朔五日癸丑。隸續載此碑而解之曰。召誥云。戊午。社于新邑。越七日甲子。是從戊至甲爲七日。畢命云。六月庚午。朏。越三日壬申。亦

是從肫至壬爲三日。西漢律歷志引逸書。粵五日乙卯亦然。惟武成云。丁未祀于周廟。越三日庚戌。則是祀廟之後三日。去丁而不數。與召畢二篇立文不同。此碑正用武成句法。案嚴發碑去戊不數。別爲五日。雖用武成句法。然非正例不錄。

書閏例

太傅安樂侯胡公夫人靈表。建寧三年薨。其閏月附于太夫人。

蔡中郎集

無名碑。光和四年閏月庚申。

集古錄案此即敬仲碑。集古錄重見。誤。金石錄曰其額云漢揚州刺史敬君之銘。

日知錄曰。通鑑書閏月而不著其爲何月。謂倣春秋之法。非也。春秋時閏未有不在歲終者。自太初歷行。每月皆可置閏。若不著其爲何月。或上月無事。則後之讀者必費於追尋矣。新唐書亦然。惟高宗顯慶二年正月無事。乃書曰閏正月壬寅。如洛陽宮。案春秋時置閏。不定在歲終。錢氏大昕閏月說云。先王之正時也。履端於始。舉正於中。歸餘於終。所謂歸餘者。謂有餘日則歸之於終。積而爲閏。非歲終之謂也。何以言之。春秋經傳書閏月者九。襄九年閏月。杜氏謂門五日之訛。其餘八閏。惟成十七年閏月。昭二十二年閏月。傳文上有十二月。其在歲終無疑。若文六年閏月不告朔傳。在冬十一月之後。則未知其在十一月與。十二月與。僖七年閏月。惠王崩。哀五年閏月。葬齊景公。哀十五年閏月。渾良夫與太

子入經傳皆上有冬字。則未知其在十月與十一月與十二月與。文元年閏在三月。昭二十年閏月殺宣姜。傳文上有八月。下有十月。故孔氏以爲閏在八月後。此兩閏不在歲終。傳有明文也。然則春秋何以譏閏三月。曰。漢志文公元年。閏餘十三。閏當在十一月後。而在三月。故傳曰非禮。此據三統歷言之也。杜預云。於法閏當在僖公末年。誤於今年置閏。此據長歷言之也。漢志謂失之前。杜氏謂失之後。兩說不同。要非以其不在歲終而譏之也。然則秦漢何以書後九月。曰。此秦法。非古法也。秦法應置閏者。置之歲末。漢初猶因之。蓋傳會左氏歸餘於終之文而失之者也。謂爲秦法。有徵乎。曰。漢人固言之矣。續漢志延光二年。尙書令終。上奏謂漢祖受命。因秦之紀。十月爲年首。閏常在歲終。不稽先代。違於帝典是也。孫氏星衍閏月古不在歲終辨云。宣城梅氏云。考古以歲終置閏爲合。定時以無中氣置閏爲安。云云。案無中氣置閏。卽是古法。古無歲終置閏術也。左氏襄二十七年十一月日有食之。辰在申。司歷過也。再失閏矣。漢書律歷志。辰者。日月之會而建所指也。孟康注。辰謂斗建。杜預注。謂斗建指申。周十一月。今九月。斗當建戌。而在申。是古視斗柄正閏之據。又哀十二年十二月。蠡仲尼曰。火伏而後蟄者畢。今火猶西流。司歷過也。杜預注。火。心星也。火伏在今十月。猶西流。言未盡沒。知是九月。歷官失一閏。案火星在卯度。火西卽卯。加酉。卯加酉。則辰加申。子加午。中星爲虛。是古視中星卽知斗柄之證。周書閏月無中氣。斗指二辰之間。王肅注。虞書亦云。斗之所建。是爲中氣。日月所在。斗指兩辰之間。無中

氣故以爲閏也。據此二說。則顧氏謂春秋時間未有不在歲終誤也。閏不在歲終。而不書月數。自是作史之體。顧氏駁之。非也。史記呂后孝景記。秦楚之際。月表高祖功臣年表。建元以來侯者年表。王子侯年表。並稱後九月。延秦制。文穎所謂時律歷廢。不知閏。謂之後九月是也。置閏以後。則書閏月。不書月數。建元以來侯者年表。元封元年閏月。徐廣曰。閏四月是也。兩漢書帝紀。天文志。漢書王子侯表下。景武功臣表。百官公卿表下。後漢書五行志。閏月皆不書月數。惟王子侯表。樂平侯訢下云。閏六月壬午封。此則誤衍六字。不得執此以變全書之例也。後漢書郎顗傳。詣闕拜章曰。臣竊見去年閏十月。十月己丑。此則封事宜詳明。與紀載體別。又案金石同例。博古圖載漢書言府弩機銘云。延光三年閏月。亦閏月不書月數之證。

書廿書卅書卅字例

孔廟置守廟百石孔龢碑。元嘉三年三月廿十同七日云云。隸釋下同

右書廿。隸釋。老子銘。無極山碑。青衣尉趙孟麟羊寶道碑。溧陽長潘乾校官碑。敦煌長史武斑碑。郎中鄭固碑。中常侍樊安碑。冀州刺史王純碑。司隸從事郭究碑。小黃門譙敏碑。圉令趙君碑。綏民校尉熊君碑。高陽令楊著碑。成陽令唐扶頌。費亭侯曹騰碑。陰金廣延母徐氏紀產碑。益州太守城垣碑。隸續。

防東尉司馬季德碑。建平縣碑。武都太守李翕天井道碑。司隸校尉楊淮碑。韓勅孔廟後碑。陰博士題字。黃龍甘露碑。真道冢地碑。斥彰長田君斷碑。並同。

無極山碑。在西南卅里云云。

右書卅。隸釋。梁相孔耽神祠碑。郎中馬江碑。費鳳別碑。綏民校尉熊君碑。國三老袁良碑。車騎將軍馮緄碑。執金吾丞武榮碑。隸續。漢安長陳君閣道碑。繁長張禪等題名。封耶令王元賓碑。延年益壽柳題字。並同。

孔廟置守廟百石孔龢碑。選其年卅以上。經通一藝云云。

右書卅。隸釋。梁相孔耽神祠碑。郎中鄭固碑。議郎元賓碑。郎中馬江碑。博陵太守孔彪碑。趙相雍勸闕金廣延母徐氏紀產碑。隸續。膠東令王君廟門斷碑。冀州從事郭君碑。培陽長劉子山斷碑。並同。案說文十部云。廿。二十并也。古文省多。禹下云。廿。古文疾。童下云。廿。古文以爲疾。卅部云。卅。三十并也。古文省。惟卅字未收。然林部云。森。無同豐也。从林。喪。喪或說規模字。從大。卅。數之積也。說文本。俱依段氏訂增。則是說文

已有此字。般氏說文注曰。省多者。省作二十兩字爲一字也。考工記。程長倍之。四尺者。二十分寸之一。謂之枚。本於二字爲句絕。故書十與上二合爲卅。此可證周時凡言二十可作廿也。古文卅仍讀二十。

兩字。秦碑小篆。則維廿六年。廿九年。卅有七年。皆讀一字以合四言。廿之讀如入。卅之讀如鞞。皆自反也。至唐石經二十皆作卅。三十皆作卅。則仍讀爲二十三矣。顧氏金石文字記。唐石經凡二十字皆作卅。三十

十維物。皆四言也。則當爲三十字。史記秦始皇刻石。如廿有六年。維廿九年。卅有七年。則當如廿字卅字。今改經文而爲卅卅字。非矣。

卅篆不見於本書。未部。桂下曰卅又。用卅字。漢石

經論語。年卅見惡焉。是卅爲四十并。猶廿爲二十并。卅爲三十并也。其音則廣韻先立切。四十之合聲。猶卅讀如入。卅讀如鞞也。廣韻引說文云。數名。卽此。惠氏棟左傳補注曰。隱二年傳。惠之二十四年。唐石經廿四年。下惠之三十年。唐石經卅年。此古文左氏傳本文也。說文。廿二十并。卅三十并。古文省。說文所謂古文。乃孔壁中文也。蔡邕石經論語云。卅而立。又云。年卅而見惡焉。又云。凡廿六章。鐘鼎文。如秦權微變鼎二十字作卅。石鼓文。周陽侯鐘三十字作卅。可爲左證。案鐘鼎文書卅書卅。尙不止此。博古圖載漢孝成鼎汾陰宮鼎並書卅。漢好時供廚鼎綏和壺並書卅。卅亦或書十。見汾陰宮鼎。碑末書立碑年月朔日太歲例。

綏民校尉熊君碑末。建安廿一年十□月丙寅朔。一日丙寅。太歲丙申造。釋

有書年月日不及朔與太歲者。武都太守李翕碑。

碑云。建寧四年六月十三日壬寅造。金石錄下同。

斥彰長碑。

碑云。熹平六年十月九日辛酉造。

逢盛碑。

碑云、光和四年四月五日丁卯立

。 閔令趙君碑。

碑云、初平元年十二月二十八日立。 隸釋作廿八日。 此常例、不備錄。

書年月旬不書日者、巴郡太守樊君碑。

碑云、建安十年

二月上旬

造金石錄

漢安長陳君閣道碑。

碑云、永建五年孟春下旬。 隸續。

書年月不書日者、成陽靈臺碑。

碑云、建寧五年五月造。 隸釋。

文有詳略、無義

例也。

碑末書立碑人爵里姓名字及年月日例

溧陽長潘乾校官碑末、丞沛國銓趙勳、字蔓伯、云云、時將作吏名戶曹掾楊淮、云云、光和四年十月己丑朔、廿一日己酉造。隸釋

官書里書字、吏不書里書字、卑者略之也。

有書立碑人爵里姓名字及立碑年者、白石神君碑。

碑云、

六年常山相南陽馮巡、字季祖、云云。 隸釋。

書立碑爵里姓名、及立碑年月日者、武都太守耿勳碑。

碑云、熹平三年四月廿日壬戌、四都道橋掾下辨李隱造。 隸續。

立碑爵里姓及立碑年月日、外黃令高彪碑。

碑云、惟中平二年、龍井黃若、月次星紀、郡守廬江龍舒范府君云云。 隸釋。

不名者尊之、不字者卑之。

月日不備者略之。

碑末碑陰書立碑人姓字不書名例

隸釋曰：漢人題名，必書名字。否則各有說也。楊震碑陰，孫定博諸人不名者，非其門生也。逢盛碑陰，崔孟祖數人不名者，其父黨也。題名於韓勅碑左，即碑末凡八人，魯之二廡一傳不名者，別守相之尊也。案此說錯

韓勅碑左守相皆書名，二廡一傳皆已故，當是商德俱尊。

張納碑陰，主簿白文已下不稱字者，示其卑於從事李元也。

案碑李元名字並見，白文已下有無字，是以書字

爲史晨後碑，五官掾孔暢六人不稱字者，亦示其卑於長史李謙也。

案碑李謙名字並見，孔暢等有名無字。

韓勅碑，左褒成侯

孔建壽，爵齒俱尊，而在子姓之間，宜其不名。餘人雖不見爵秩，當亦是一時耆老。獨曲成侯王嵩一人不稱字，豈爵雖襲而年尚穉者乎？又曰：楊著碑，沛君、沛相統也。後公、太尉秉也。

碑云：鉅鹿時稚明云云，右後公門生，汝南陳萬昌云云，右

沛君門生。

沛君者，著之從兄，後公者，著之季父，非著之門生，故不名。案碑陰書名字，常例也。其有單書名以

示卑，單書字以示尊，如洪氏所言是也。然亦有卑賤者單書字，隸釋載龍門禹廟題名，宗季方云云，洪氏據趙氏以爲龍門復民，隸續載韓勅後碑陰，孔子冢下復民吳仲初云云，或書字，或書小名，洪氏謂皆羣小不當律令，案尊卑不嫌同辭，有以書字尊其人，有以書字略其人，也。

碑末書撰文寫碑刻碑人姓名例

李翁析里橋郡閣頌碑末從史位□□□字漢德爲此頌故走下辨□□□子長書此頌時石師南□

威明隸釋 隸續曰李翁天井道碑題名從史位下辨仇靖字漢德書文郡閣題名云從史位字漢德爲此頌中間姓名刻闕得此乃知前碑亦仇所作

僅書寫碑刻碑人姓名不及撰文人者巴郡太守樊敏碑碑云石工劉盛息懷書隸釋 隸續曰劉盛刻其石而厥子落筆也南安長王君平

鄉道碑碑云兼戶曹掾何童史道與造書岸師朱仲玉回隸釋 案何童道與造此碑而繫以書崖當是道與書古人文字簡質不分析僅書撰文人者太尉橋元碑碑云光和元年主記據李友字仲選

作碑文水經注僅書寫碑人者敦煌長史武斑碑碑云尙書丞沛國譙曹芝口宣成武令中山安憲曹種口口豐令下邳良成徐崇口口放陳留府丞魯國魯口口口防東長齊國臨淄口紀

此三碑之一

伯允書此碑嚴祺字伯曾隸釋 兩漢金石記曰小歐陽集古錄目云嚴祺字伯魯隸書今不見此文久矣據洪氏隸釋載是碑末云紀伯允書此碑下乃云嚴祺字伯曾魯二字未知孰是然驗其文勢則書者紀伯允而非嚴祺紀伯允三字上有闕文或是口紀

伯允紀是其名伯允是其字未可知也案翁氏謂紀上闕姓是也謂是伯允書非也是碑末書立碑人

先書爵次郡名次縣名次姓名其末特書書此碑嚴祺字伯曾文法與前變則書者嚴祺非伯允也武郡太守李翁天井道

碑碑云從史位下辨仇靖字漢德書文隸續載此碑云揮翰遺詞皆斯人也案碑書書文不言撰文這詞人不定爲增水經注渭水篇華山漢文帝廟碑文漢給事黃門侍郎張景造永自書之此則揮翰遺詞皆一人也碑文不載無以知其體式故不錄僅

書刻碑人者綏民校尉熊君碑碑云碑師書隸程福造皆從略也

碑末書市石察書刻碑人姓名例

西嶽華山廟碑末京兆尹勅監都水掾霸陵杜遷市石造書佐新豐郭香察書刻者潁川邯鄲公修蘇張

工口君

釋錄

隸釋曰東漢循王莽之禁人無二名郭香察書者察洩他人之書小歐陽以爲郭香察所書非也金石文字記曰察書乃對上市石之文則香者其名而特勘定此書者爾考之博古圖諸書有孝成鼎銘曰

工王褒造

左承輔

掾譚

守令史永

大官銅鐘曰

考工令史古

丞或

令通

主

掾荅

案博古圖漢太官壺銘云

工伍興造

綏和壺曰

掾臨

博古圖載此銘此句上

守右丞同

守令

寶

上林鼎曰

工史榆造

監工黃佐李負芻

省監即察書之類也

筆經室三集漢延熹華嶽廟碑跋曰郭香察書或以爲郭香書

者無顯據或以爲蔡伯喈書者語見都南漢元敬引徐季海清古跡記今以後漢書蔡邕傳推之桓帝時中常侍徐璜左悺等五侯擅恣聞邕善鼓琴遂白天子勅陳留太守督促發遣邕不得已行到假師稱病而歸問居甌古不交當世建寧三年辟司徒橋元府案五侯擅恣在桓帝延熹二年邕恥以官宦故至無師以病回里延熹八年春悺以罪自殺度邕此時始稍出邊入關故八年至華陰爲太守書碑而郭香適奉京兆尹遣來察書因此相識或相交契靈帝熹平四年郭香爲太史治術郎中馮光陳晃上言天元不正攻及郭香詔下三府集議伯喈首發議趙郭香四分術爲非妄先是議罪是伯喈與郭香學術交遊之蹤蹟也

碑文左旋例

江原長進德碣。君諱龍。字進德。故蜀郡江原長。延熹三年工□孟彥造作。

隸釋

隸釋曰。碣文由左而右。案博古圖。用言肇鼎銘。威君鼎銘。仲馭父敦蓋銘。其文並左旋。金石同例。故碣文由左而右。徐君彝曰。薛氏款識載君季鼎。方寶麟文皆左旋。案薛氏書。田季加匱。冀師縣文皆由左而右。又伯寶卣第三。蓋文左旋。器文右旋。仲駒敦蓋文右旋。器文左旋。

碑文橫書例

處士金恭闕橫書處士金恭字子□。

隸釋

隸釋曰。以墓碣及金廣延母碑參之。知其字子肅。此字橫刻。隸釋曰。金恭闕橫刻金君姓名。次列一人。執扇乘馬。知是金君。案橫書乃外夷書體。史記大宛列傳。安息畫革。旁行以爲書記。漢書音義曰。橫行爲書記。史記索隱曰。韋昭云。外夷書皆旁行。徐君彝曰。薛氏款識載諸旅鬲及張仲盭四器。似亦橫書者。

蜀郡屬國造橋碑。碑首橫書蜀郡屬國明府潁川陽翟辛君。字通達。卿健爲李君。字仲曾。□□□□。

隸釋

隸釋曰。碑首刻二人冠帶相向而坐。一器居中。如豆登之狀。後有二人折腰低首。雙垂其袖。若胡舞者。其上橫行有數字。惟府卿明府四字不毀。二人之下。又橫刻二十有六字。仲曾下三字不可曉。

碑陰有額例

太尉郭禧碑陰額。故吏人名。金石錄

泰山都尉孔宙碑陰額。門生故吏名。隸釋

中部碑陰額。中部碑。同上

司空宗俱碑陰額。門生立碑人名。隸續

陳德碑陰額。故門下史人名。金石萃編

諸額皆直書。其有橫書者。隸續載尉氏令鄭季宣碑陰。橫書氏尉處士故吏人名是也。不別爲例。又白石神君碑陰額。務城神君錢二萬云云。見沈君濤常山良石志案出錢人亦稱神君。此非禮也。故不錄。

碑陰標目例

王純碑陰首行自標云諸門生人名。

隸續

額者書於碑文之上。標目者即碑文之首行。與碑文平。故別爲例。

碑陰書立碑人錢數例

靈臺碑陰司徒掾仲選孟高出錢二千。鉅鹿太守仲訢伯海出錢萬。呂長仲球伯儀出錢三萬七千云云。

隸釋

下同

魯相韓勅造孔廟禮器碑。潁川長社王元君真二百云云。故涿郡太守魯廩次公五千云云。

義井碑陰五大夫王□本二萬。五大夫殷□本二萬云云。

碑陰條列出錢立碑人爵里姓名。不書錢數。此最得體。然俗士捐財。急於自見。不書錢數。則樂輸者無以勸。乃於漢碑中錄其書出錢若干者。書本若干者。以示例。餘不悉錄。

碑陰書立碑人子弟統於父兄例

太尉陳球碑陰。故吏云云息□。故吏云云息權。

隸釋

右子統於父。隸釋曰。此碑前二行。特書兩人之事。與他碑不同。雖文字漫滅。其中皆有息字。次行息

之上。又有早終字。蓋謂二人者已卒。所出緡錢。則其子也。

靈臺碑陰。義民陳彥弟三。富弟贖。出錢千。

釋隸

韓勅孔廟後碑陰。故苦令任城李馥叔華弟郎中季華三千。

續隸

右弟統於兄。

碑末既書出錢人姓名。復於出錢人中。稱美其好義樂輸者例。

咸陽靈臺碑陰。惟仲阿東。年在元冠。幼有中質。遵矩蹈規。上仁好義。見羣從無者。代出錢萬以立碑。大意翻然。君子善之。恩加骨。鄉朝所稱。縣令管君。即請署門下議生都市掾官。未可測矣。

釋隸

碑陰末稱美工師例。

咸陽靈臺碑陰。仇福。字仲淵。累世同居。州里稱術。同慈孝大聖。立祠時。令管君欲造臺屋。擊廡。來索忠

良。咸自福聞。表溢。離。周理。字文機。嚴萌將作福吏。縣掾功曹府諸曹史府諸曹史守

尉。下調。隸釋。

叢書集成初編

漢石例二冊

中華書局出版發行

(北京王府井大街三十六號)

秦皇島市資料印刷廠印刷

一九八五年北京新一版

開本：七八七乘一〇九二毫米三十二分之一

統一書號：一七〇一八·一五一

